

**Ammasumik ataatsimiinnermi oqaluuserisassat:**

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiititaliani siulittaasut nalunaarutaat.

**Aningaasaqarnermut tunngasut**

- Imm. 04** 2013-imi ukiup affaani siullermi Kommunalbestyrelsen aningaasaqarnermut nalunaarutaa.
- Imm. 05** 2012-imut ukiumoortumik nalunaarusiaq iluarsisaaq.
- Imm. 06** Sanaartornermut naatsorsuutit, Sisimiut.
- Imm. 07** Sisimiuni Utoqqaat Angerlarsimaffianut aserfallatsaaliinermut Ataasiarluni aningaasartuutit immikkut aningaasaliissut.

**Suliassat nalinginnaasut**

- Imm. 08** Kommunip pilersaarusioneranut tapiliussassatut siunnersuut nr. 7. Kangerlussuarmit tammajuitsussarsititsiniarluni piniariartitsiviit
- Imm. 09** Kommunip pilersaarusioneranut tapiliussassatut nr. 8-tut siunnersuut.
- Imm. 10** Kommunimi pilersaarummut tapiliussatut siunnersuutit inaarutaasumik akuersissutiginnissaa nr. 3.
- Imm. 11** Tupersuarmik pilersitsinissamik qinnuteqaat.
- Imm. 12** Maniitsumi meeqqat illuat.
- Imm. 13** Imigassamik sassaallersinnaanissamut akuersissummik qinnuteqaat – **NORD Café & Art.**
- Imm. 14** Nuummi Umiarsualivissaaq pillugu aalajangiinissami siunnersuutit tusarniutaanera
- Imm. 15** Nunami qamuterallannik sisamanik assakaasullinni atuneq pillugu Tønnes Kreutzmann-ip oqaluuserisassanngortitaa.
- Imm. 16** Oqaluuserisassatut siunnersuutit – 1. ”Sanna”-mi inuttat inissitsiterneqarnerat pillugu aqqissuussinerup allanngornissaa aamma 2. Kommunip talittarfiata eqaata takujuminartuunissaanut, Royal Greenlandip tunuani torersaasoqarnissaa.

**Paasissutissiissutit**

- Imm. 17** Kommunip pilersaarusioneranut tapiliussaaq nr. 2 – Sisimiuni illoqarfiup pisoqartaata inaarutaasumik akuersissutigineqarnera pillugu paasissutissiissut.



- Imm. 18** Aqutsinermi inatsisip allannguuteqarnissaanut tusarniaanermut akissuteqaat pillugu paasissutissiissut.
- Imm. 19** Ataatsimoorussamik Atammik/Napasog nunaqarfinni aqutsisuniit Tippu-Bolethe Jakobsenip sulinngiffeqarallarnera pillugu paasissutissiissut.
- Imm. 20** Kangaamiuni nunaqarfimmi aqutsisuniit Albrichtine Lyngep sulinngiffeqarallarnissaa pillugu paasissutissiissut.
- Imm. 21** Ataatsimoorussamik Itilleq/Sarfannugit nunaqarfinni aqutsisuniit Emilie Olsen-ip tunuarniuteqarnera pillugu paasissutissiissut.
- Imm. 22** Tamalaat.

Ataatsimiinneq kommunalbestyrelsip ataatsimiittarfiani Maniitsumi ingerlanneqassaaq  
aallartissallunilu nal. 8:30

*Peqataasut:*

*Atassut*

*Inuit Ataqaatigiit*

*Siumut*

*Nalunaaruteqarlutik peqataannngitsut:*

*Nalunaaruteqaratik peqataannngitsut*

**Imm. 01 Oqaluuserisassat akuersissutigineri**

**Aalajangiineq**

**Imm. 02 Borgmesterip nalunaarutaa**

**Aalajangiineq**

**Imm. 03 Ataatsimiititaliani siulittaasut nalunaarutaat**

**Aalajangiineq**

**Imm. 04 2013-imi ukiup affaani siullermi Kommunalbestyrelsip aningaasaqarnermut nalunaarutaa**

Journalnr. 06.00

Pissutsit atuuttut

Atuineq ukiumut tamarmiusumut siammaraanni, atuineq/iserititat 50 procentimiissapput.

2013-imi juunip naanerani	missingersuutit		
Allaffissornermut tunngasut	94.479	45.932	48,6
Teknikkimut tunngasut	35.793	15.335	42,8
Suliffissaqartitsiniarnermut inuutissarsiornermullu tunngasut	25.124	11.692	46,5
Ilaqtariinnermut tunngasut	175.385	90.555	51,6
Ilinniartitaanermit kulturimullu tunngasut	216.583	112.435	51,9
Pilersuiviit	5.662	1.885	33,3
<b>Ingerlatsinermit aningaasartuutit katillugit</b>	<b>553.026</b>	<b>277.834</b>	<b>50,2</b>
Sanaartornermit aningaasartuutit	73.400	25.313	34,5
<b>Aningaasartuutit katillugit</b>	<b>626.426</b>	<b>303.147</b>	<b>48,4</b>
<b>Ingerlatsinermit isertitat</b>	<b>-617.908</b>	<b>-279.605</b>	<b>45,3</b>
Karsimi nikeraatit (immikkut aningaasaliissutit)	8.518	23.542	
Killiffimmi nikeraatit (illuliornissamut attartortitsinerit)	17.576		
<b>Katillugit</b>	<b>26.094</b>		

Neg. tal er indt/overskud & pos. tal er udg/undersk.  
Kisitsisit (-) tallit = isertitat/sinneqartoorutit  
Kisitsisit (+) tallit = aningaasartuutit amigatoorutit

**Allaffissornermut tunngasut**

Allaffissornermut tunngasut (1.000 kr.)		Missing	Tapiissu	Aningaa	Atuineq	Sinnerut	Atuineq
Konto	Kontop taaguutaa						
10	Qinikkanut aningaasartuutit	7.372	0	7.372	3.682	3.690	49,9%
11	Kommunip ingerlatsinera	69.869	-108	69.761	33.686	36.075	48,3%
12	Kantinamik ingerlasineq	491	0	491	586	-95	119,3%
13	IT	9.564	0	9.564	3.822	5.742	40,0%
18	Akimortumik suliat	7.291	0	7.291	4.157	3.134	57,0%
<b>Katillugit</b>		<b>94.587</b>	<b>-108</b>	<b>94.479</b>	<b>45.933</b>	<b>48.546</b>	<b>48,6%</b>

Allaffissornermut tunngasunut 94,5 mio. koruuninik aningaasaliissutinit katillugu 45,9 mio. koruunit atorreqarsimapput. Atuineq procentinngorlugu 48,6 procentiulluni.

Qinikkanut aningaasartuutinit 7,4 mio. koruuninik aningaasaliissutinit 3,7 mio. koruunit atorreqarsimapput. Atuineq procentinngorlugu 49,9 procentiulluni.

Kommunip ingerlatsineranut 69,8 mio. koruuninik aningaasaliissutinit 33,7 mio. koruunit atorreqarsimapput. Atuineq procentinngorlugu 48,3 procentiulluni.

Isumaqatiginninniarnaq suli naammassineqanngimmat, Djøf-imut isumaqatigiissutit naapertorlugit akissarsiaqartunut kingumoortumik 2013-imi aprilip aallaqqaataanit akissarsianut iluarsiiissutissat suli iluarsineqanngillat.



Kantinamik ingerlatsineq sippuilluni atuiffiuvoq, tamannalu ataatsimoortumik aningaasartuutitut A/S Inissiaatileqatigiiffik INI-p suli akiliisimanninneranik patsiseqarluni. Siusinnerusukkut ilisimatitsissutigineqareersutut, ingerlatseqatigiinnissamik isumaqatigiissut 2011-mi decembarip 31-aneersaq INI-p taamaatinnikuuuaa, taamaakkaluartorli kantinamik suli atuerusukkallarnini kingorna kissaatiginikuullugu.

Sisimiuni kantina 2012-imi decembarip aallaqqaataani namminersortumit isumagineqalerpoq. Malitsigisaanik Maniitsumi kantina aamma namminersortunut suliariumannittussarsiuunneqassasoaq naatsorsuutigineqarpoq.

Qarasaasiaqarfimmut ataatsimut aningaasaliissutinit 9,6 mio. koruuniusunit 3,8 mio. koruunit atorneqarsimapput. Atuineq procentinngorlugu 40,0 procentiulluni.

Ipad-inut tunngatillugu atuisimaneq ukiup affaata siulliup kingorna aatsaat nalunaarsorneqarnissaat, sippuinani atuisimanermut pingaarnertut patsisaavoq.

Akimoortumik sulianut 7,3 mio. koruuninik aningaasaliissutinit 4,2 mio. koruunit atorneqarsimapput. Atuineq procentinngorlugu 57 procentiulluni.

Ukiumut tamarmiusumut kommunip sillimmasiissutaannut akiligassat amerlanersaat 2013-p aallartinnerani akilerneqarnikuunerat, konto 18-02-mi sippuilluni atuisimanermut pingaarnertut patsisaavoq. Tamatuma saniatigut A/S Inissiaatileqatigiiffik INI-p 2013-imut sillimasiissutitut akiligassani aprilimi akilernikuuai.

Konto 18-04-mi atuineq ukiumiit ukiumut nikerarsinnaasarpog, ingerlatat takukkit.

Isumaqatigiissutitut tunngatillugu akiligassani (konto 18-08) ”sulisunut iliuutsit” pineqarput, taannaallunilu qujassutitut tunissutitut aningaasartuutitut kontonik marlunnik imaqartoq. Sulisut soraarnerini tunissuteqartarneq annertusimanninnera, ukiup affaata ingerlanerani sippuinani atuisimanermut patsisaavoq.

Kommunimi inunngorlaanut atuagaq ”GABA”, pilluaqqussummik ilalerlugu peqqissaavimmukaallugu tunissutigineqartarpoq (konto 18-08). Atuakkat nunguppata pisiniaqqittoqassaaq. Kingullermik 2012-imi pisisoqarpoq.

Ataatsimut isigalugu konto 18-20-mit aningaasaliissutit nunaqarfiit tungaanniit atorneqarpallaarsimangillat.

## Teknikkimut tunngasut

Teknikkimut tunngasut (1.000 kr.)		Missing	Tapiissu	Aningaa	Atuineq	Sinnerut	Atuineq
Konto	Kontop taaguutaa						
20	Aqquserngit, ikaartarfiit atortulersuutit il.il.	7.499	0	7.499	2.518	4.981	33,6%
21	Saligaatsuutitsineq aputaajaaneq ilanngullugu	7.787	0	7.787	4.250	3.537	54,6%
22	Pisuussutit uumassusillit	243	0	243	92	151	37,9%
23	Kommunip ingerlatai assigiinngitsut	4.099	0	4.099	2.090	2.009	51,0%
24	Illuutinik inuutissarsiorfinnik attartortitsineq	-2.330	0	-2.330	-1.225	-1.105	52,6%
25	Qatserisartoqarneq	6.751	0	6.751	2.379	4.372	35,2%
27	Teknikkikkut ingerlatat allat	11.744	0	11.744	5.231	6.513	44,5%
<b>Katillugit</b>		<b>35.793</b>	<b>0</b>	<b>35.793</b>	<b>15.335</b>	<b>20.458</b>	<b>42,8%</b>

Teknikkimut tunngasunut 35,7 mio. koruuninik aningaasaliissutinit 15,3 mio. koruunit atorneqarsimapput. Atuineq procentinngorlugu 42,8 procentiulluni.

Aqqusinerni (konto 20) suliassat annersaat aasaanerani suliarineqartarput, taamaattumillu piffissami matumani annikitsuinnarnik atuisoqarsimalluni.



Aputaajaaneq saligaatsuutitsineq (konto 21) annertuumik atuiffiusimavoq. Sisimiut, Kangerlussuaq aamma Napasoq eqqaassanngikkaanni ukiumut aningaasaliissutit sipporneqaratarsinnaapput.

Pisuussutitut uumassusilinnut (konto 22) atuisimanerit naatsorsuutitut suli ikkunneqarsimangitsut, ukiup affaata siulliup qaangiutereernerani nalunaarsorneqassapput.

Attartornermi akiligassat siumoortumik akilerneqartarmata, illuutitik inuutissarsiorfiusunik attartortitsinermi (konto 24) isertitat annertunerupput.

Qatserutaasivimmi (konto 25) atuisimanerit naatsorsuutitut suli ikkunneqarsimangitsut, ukiup affaata siulliup qaangiutereernerani nalunaarsorneqassapput.

Teknikkikkut ingerlatani allani (konto 27) akunnernik atuinerit sukateriffigineqarput, taamaakkaluartorli missingersuutit sipporneqassanngitsoq naatsorsuutigineqarluni.

### **Suliffissaqartitsiniarnermut inuutissarsiutinullu tunngasut**

Suliffissaqartitsiniarnermut inuutissarsiutinullu tunngasut (1.000 kr.)		Missing	Tapiissu	Aningaa	Atuineq	Sinnerut	Atuineq
Konto	Kontop taaguutaa						
34	Susassaqartitsiniutit	3.124	2.191	5.315	-537	5.852	-10,1%
35	Piginnaangorsaaneq	1.410	-306	1.104	968	136	87,7%
37	Kommunip inuutissarsiutitigut ingerlatai	3.961	505	4.466	4.265	201	95,5%
38	Piareersarfik	16.124	-1.885	14.239	6.996	7.243	49,1%
<b>Katillugit</b>		<b>24.619</b>	<b>505</b>	<b>25.124</b>	<b>11.692</b>	<b>13.432</b>	<b>46,5%</b>

Suliffissaqartitsiniarnermut inuutissarsiutinullu tunngasunut 25,1 mio. koruuninik aningaasaliissutit katillugu 11,7 mio. koruunit atorveqarsimapput. Atuineq procentinngorlugu 46,5 procentiulluni.

Sulilersitsinermi kommunimi pilersaarutit (konto 34-01) aningaasaliiffigineqarnikuunngilaq, taamaakkaluartorli Namminersorlutik Oqartussat pilersaarutitut qulingiluaasunut 4 mio. koruunit missaannik utertitsinikuvoq. Tamatuma kingunerisaanik illuatungaanik aningaasartuuteqarfiusussami 2 mio. koruunit missaannik isertitaqartutut isikkoqarpoq.

Piginnaangorsaaneq (konto 35) sippuilluni atuiffiusimavoq, tamannalu utertitassat suli utertinneqarsimanginnerinik patsiseqarluni.

Konto 37-mit atuvallaarnermut pingaarnertut patsisaavoq, Sisimiut talittarfiani KNI-p iniitaanni killeqarfinni uumasunik nakkutilliinermut (BIP) pilersitsinissamat aningaasaliisoqarnikuunera, aammalu Qeqqani Inuutissarsiornermut Siunnersuisoqatigiinnut ukiup affaanut kingullermut akiliutissat akilerneqarnikummata, takuuk sullissinermut isumaqatigiissut, Arctic Circle Race ukiumut tapiissutissat tunniunneqareernerannut kiisalu atulluartaunissamat suliniut patsisaalluni. Aammattaaq NORA-minngaanniit aningaasaliissutitik tiguisoqarnikuunngilaq, aningaasaliissutaasartoq 150 tusind koruuniuvoq.

Maniitsumi inuutissarsiutitigut ineriartortitsinissamat takornariaqarnermullu tapiissutit 10 procentit inorlugit atuiffiusimapput.

## Ilaqtariinnermut tunngasut

Ilaqtariinnermut tunngasut (1.000 kr.)		Missing	Tapiissu	Aningaa	Atuineq	Sinnerut	Atuineq
Konto	Kontop taaguutaa						
40	SISIMIUNI MEEQQERIVINNI AKILIUNNEQARLUNI INISSAT	260	0	260	70	190	26,9%
41	MEEQQANUT IKIORSIINIUTIT	17.906	2.671	20.577	11.865	8.712	57,7%
43	SIUSINAARTUMIK PENSIONIT	11.569	0	11.569	8.535	3.034	73,8%
44	MEEQQANUT AKILIERSUUTIT	403	0	403	0	403	0,0%
45	PISORTANIT IKIORSIISSUTIT	12.784	0	12.784	9.869	2.915	77,2%
46	ISUMAGINNINNERMI ALLATIGUT IKIORSIINEQ	9.542	0	9.542	4.577	4.965	48,0%
47	UTOQQARNIK ISUMAGINNINNEQ	52.601	0	52.601	30.013	22.588	57,1%
48	INNARLUUTILINNUT TUNNGASUT	67.028	0	67.028	25.120	41.908	37,5%
49	ISUMAGINNINNERMI ANINGAASARTUUTIT ALLAT	621	0	621	505	116	81,3%
<b>Katillugit</b>		<b>172.714</b>	<b>2.671</b>	<b>175.385</b>	<b>90.554</b>	<b>84.831</b>	<b>51,6%</b>

Ilaqtariinnermut tunngasunut 175,4 mio. koruuninik aningaasaliissutinit 90,6 mio. koruunit atorreqarsimapput. Atuineq procentinngorlugu 51,6 procentiulluni.

Meeqperivinni inissanut akiliussisarnernut konto (40) atorreqartarpoq. Nalinginnaasumik anaanat kisimiittut allatigut paarsisitsinissaminnut periarfissaqanngitsut. Ilinnialersimallutik sulilersimallutilluunniit akissaqanngitsut, inuunerminni ingerlariaqqinnissaannik periarfissikkumallugit akiliutsissinnaasarput. Atuineq aningaasaliissutinit naapertuuppoq.

Meeqqanut ikiorsiiniutinut (konto 41) sippuilluni atuiffiusimavoq, tamannalu pingaartumik ulloq unnuarlu angerlarsimaffinnut namminersortunut inissiinernik kiisalu ilaqtariittut katsorsaasitsinernut Namminersorlutik Oqartussat aningaasaliisimanninnerinik patsiseqarluni.

Siusinaartumik pensionianut (konto 43) sippuilluni atuiffiusimavoq, tamannalu pingaartumik siusinaartumik pensionit siumoortumik tunniunneqartarnerinik patsiseqarluni. Atuisimanermik nalunaarsuinnermi, qaammatinut arfineq-marlunnut nalunaarsuisoqarpoq. Tamatuma saniatigut 2002-imi januaarip aallaqqaataata kingorna siusinaartumik pensionisianut konto, ukiumut aningaasaliissutinit sippuisimasutut nalunaarsoqqavoq. Siusinaartumik pensionisiallit (meeqqat inersimasullu) 2013-imi januaarip aallaqqaataani 281-iupput, 2013-imilu maajip 30-ani 270-iullutik – siusinaartumik pensionisiallit aqqanilinnik ikileriarput. Maniitsumi 2013-imi januaarip aallaqqaataani siusinaartumik pensionisiallit 192-iupput, 2013-imilu maajip 30-ani 193-iullutik Qinnuteqaatit aallaavigalugit akilersuutinut konto 44 atorreqartarnera, minnaarilluni atuisimanermut patsisaavoq. Assersuutigalugu tassaasinnaavoq aappariit qimassimatillugit meeqqanut akilersuutissat eqqartuussivimmit sulii aalajangiiffigineqarsimannngitsut.

Pisortanit ikiorsiissutit (konto 45) Sisimiuni annertuumik sippuilluni atuiffiusimallutik ukiumut aningaasaliissutit nungungajareerput. Tamatuma saniatigut pisariaqavitsillugu ikiorsiissutinit ukiumut aningaasaliissutaasut, Kangerlussuarmi, Sarfannguani, Itillimi Kangaamiunilu atorreqareersimapput. Ukiup affaani kingullermi atuineq taamatut ingerlaannassappat, 2013-imi atuineq 17 mio. koruunit missaanniissasoq, taamaalilluni aningaasaliissutaasimasunit 4,2 mio. koruuninik amerlanerusunik atuisoqassasoq naatsorsuutigineqarsinnaavoq.

Utoqqarnik isumaginninnermi (konto 47) sippuilluni atuiffiusimavoq, tamannalu Utoqqaat Angerlarsimaffiani aamma Utoqqaat Illuani aningaasaliissutit ukiup affaanut atugaasimasut 2 mio. koruunit sinnerlugit missaanniinnerinik tunngassuteqarnerulluni. Tamatuma saniatigut Sisimiuni Peqqissaavimmi uninngatitsinerni aningaasartuutit sippuilluni atuiffiusimallutik, ukiumut aningaasaliissutit maannakkut 20 procentit missaannik sippoqqapput.

Innarluutilinnut tunngatillugu (konto 48) aningaasaliissutinut sanilliullugu annertuumik minnaarilluni atuiffiusimavoq, tamannalu pingaartumik annertussusilereerlugit akiligassanit 3 mio. koruunit missaannik isertitaqarsimanermik patsiseqarnerulluni. Ilaqutariinnermut Immikkoortortap nassuiaatigaa, innarluutilinnut tunngatillugu sulianut pingasunut tunngatillugu Kommune Kujalleq angerlarsimaffiulluni akiliisussaatitaaneranut tunngatillugu akiligassat pingasut nassiunneqarsimasut. Suliamut ataatsimut akiliisussaatitaanerminik Kommune Kujalleq akuersivoq, sulianulli marlunnut tunngatillugu Ilaqutariinnermut Inatsisinillu Atuutsitsinnermut Naalakkersuisoqarfiup aalajangiinissaa utaqqineqarpoq.

Isumaginninnermi aningaasartuutinut allanut (konto 49) annertuumik sippuilluni atuiffiusimavoq, tamannalu pingaartumik Maniitsumi imigassamik atornerluisunut katsorsaasitsinissamut aningaasaliissutit sippungaatsiarlutik atuiffiusimanerminik patsiseqarnerulluni.

### **Ilinniartitaanerminut kulturimullu tunngasut**

<b>Ilinniartitaanerminut kulturimullu tunngasut (1.000 kr.)</b>		<b>Missing</b>	<b>Tapiissu</b>	<b>Aningaa</b>	<b>Atuineq</b>	<b>Sinnerut</b>	<b>Atuineq</b>
Konto	Kontop taaguataa						
50	Meeqqanut inuusuttunullu ulluunerani susassaqaartitsiniarneq	64.966	129	65.095	35.436	29.659	54,4%
51	Atuarfeqarneq	121.743	-350	121.393	61.041	60.352	50,3%
53	Sunnigiffik	14.219	-1.949	12.270	6.524	5.746	53,2%
55	Atukkanik atorniartarfiit	2.204	0	2.204	1.125	1.079	51,0%
56	Katersugaasiviit	3.090	368	3.458	1.199	2.259	34,7%
59	Kulturikkut paasisitsiniaanikkullu ingerlatsat assigiinngitsut	11.010	1.153	12.163	7.110	5.053	58,5%
<b>Katillugit</b>		<b>217.232</b>	<b>-649</b>	<b>216.583</b>	<b>112.435</b>	<b>104.148</b>	<b>51,9%</b>

Ilinniartitaanerminut kulturimullu tunngasunut 216,6 mio. koruuninik aningaasaliissutinit katillugit 112,4 mio. koruunit atorneqarsimapput. Atuineq procentinngorlugu 51,9 procentiulluni.

Meeqqanut inuusuttunullu ulluunerani sammisassaqaartitsiniutinut (konto 50) ukiup affaani siullermi 3 mio. koruuninik sippuilluni atuiffiusimavoq, tamannalu ilaatigut PIP-mik isumaqatigiissut naapertorlugu akissarsiaqartut akissarsiaasa, 2012-imi aprilip aallaqqaataani iluarsivigineqarsimanerminik patsiseqarluni.

Atuarfeqarfik (konto 51) ataatsimut isigalugu aningaasaliissutinik sippuinertaqaanngitsumik atuiffiuvoq. Taamakkaluartoq Sisimiuni illoqarfiup aturfii taakku marluk imermut, innaallagissamut kiassarnermullu aningaasartuutinik annertuumik sippuilluni atuiffiusimammata, taakkununga aningaasartuutiminnut annerusumik eqqummaarissapput.

Katersugaavimmi (konto 56) minnaarilluni atuisimanermi, ukiup affaani siullermi aningaasartuutit annikinnerunerminik patsiseqarpoq. Missingersuutit 2014-imi iluarsivigineqassasut naatsorsuutigineqarpoq.

Kulturikkut paasisitsiniaanerminullu assigiinngitsunut ingerlattanut (konto 59) sippuilluni atuiffiusimavoq, tamannalu ilaatigut Sisimiuni Timersortarfimmut attartornermi akiliutinut aningaasaliissutit 50 procentip missaa sinnerlugu akiliuteqarsimanermik, 2013-imi nuna tamakkerlugu upernaakkut unammuaarnerit arlallit Sisimiuni ingerlanneqarsimanerminik patsiseqarluni.

Allaffeqarfiup maluginiaqquaa, ataatsimut isigalugu kontot aningaasaliissutinik nuutsivigineqarnissaanik pisariaqartut malinnaavigineqarmata, soorluttaaq konto 5-imi sukangasuumik aningaasatigut aqutsisoqarnissaa eqqummaariffigineqartoq.



## Pilersuiivit

Pilersuiivit (1.000 kr.)		Missing	Tapiissu	Aningaa	Atuineq	Sinnerut	Atuineq
Konto	Kontonavn						
66	Eqqaavilerineq il.il.	2.791	0	2.791	295	2.496	10,6%
68	Pilersuiffiit allat	2.871	0	2.871	1.590	1.281	55,4%
<b>Katillugit</b>		<b>5.662</b>	<b>0</b>	<b>5.662</b>	<b>1.885</b>	<b>3.777</b>	<b>33,3%</b>

Pilersuivinnut tunngasunut 5,6 mio. koruuninik aningaasaliissutinit katillugit 1,9 mio. koruunit atorqeasimapput. Atuineq procentinngorlugu 33,3 procentiulluni.

Eqqagassalerinermut il.il. (konto 66) annertuumik minnaarilluni atuiffiusimavoq, tamannalu ilaatigut eqqagassalerinermi akiliutitut tunngassuteqarluni. Tamatuma saniatigut kontot ilaat aningaasaliiffigineqarsimapput, ilaallu killilimmik atuiffigineqarsimallutik, matumani Avatangiisinut tunngatillugu konto ilanngullugu.

Konto 66-02 eqqarsaatigalugu ukiumut ataasiarluni akinut malinnaatitsisoqartarpoq, taamaattumillu annersaa decembarimi pisarluni. Tamatuma saniatigut eqqagassalerinermut akiliutit qaffakkiartornerat ilutigalugu, ikuallaavimmi eqqakkanik ikuallaanermi aningaasartuutitut matussutissatut atugassaasunik konto 66-02 sinneqartoofiusarpoq.

Pilersuiivit allat (konto 68) sippuilluni atuiffiusimavoq, tamannalu ilaatigut kommunip umiarsualiveqarneranut (talittarfinnut) tunngassuteqarluni.

## Sanaartornermut tunngasut

Sanaartornermut tunngasut (1.000 kr.)		Missing	Tapiissu	Aningaa	Atuineq	Sinnerut	Atuineq
Konto	Kontop taaguutaa						
70	Allanut sanaartornermi aningaasartuutit	4.600	3.831	8.431	2.889	5.542	34,3%
72	Teknikkimut tunngasutigit sanaartornermi aningaasartuutit	41.602	-6.907	34.695	7.230	27.465	20,8%
74	Ilaqutariinnermut tunngasutigit sanaartornermi aningaasartuutit	5.000	449	5.449	-160	5.609	-2,9%
75	Ilinniartitaanermut kulturimullu tunng.sanaartornermi aningaasartuutit	1.005	6.555	7.560	15.202	-7.642	201,1%
76	Pilersuivinnut tunngasutigit sanaartornermi aningaasartuutit	0	14	14	0	14	0,0%
77	Sanaartorfigissaanermut sanaartornermi aningaasartuutit	8.857	8.394	17.251	152	17.099	0,9%
<b>Katillugit</b>		<b>61.064</b>	<b>12.336</b>	<b>73.400</b>	<b>25.313</b>	<b>48.087</b>	<b>34,5%</b>

Sanaartornermut tunngasunut 73,4 mio. koruuninik aningaasaliissutinit katillugit 25,3 mio. koruunit atorqeasimapput. Atuineq procentinngorlugu 34,5 procentiulluni.

Tullinnguuttut sanaartornermut annernut aningaasaliissutit, minnaarilluni atuisimanermut pingaarnertut patsisaapput:

Sanaartornermi allanut aningaasartuutitut (konto 70, ineqarnermut tunngasumi) minnaarilluni atuisimaneq, Namminersorlutik Oqartussat ineqarnermut tunngatillugu pilersaarutiminik ataavartumik allannuisarneranut tunngassuteqarpoq. Sisimiuni utoqqarnut pisinnaanerusunut sanaartornerup kinguartoorutaaffioreerluni, sanaartorneq naammassingajalerneqarpoq. Inissiat nuuffigeriaannangoreerput. Kangerlussuarmi Illorput pingasut sanaartorneqartut naammassineqareerput, A/S Inissiatileqatigiiffik INI-lu aqutigalugu attartortinneqarnissaannut tunniunneqareerlutik.

Teknikkimut tunngatillugu (konto 72) Sisimiuni Maniitsumilu kuuffissuarnik nutarterinerit iluamik aallartinneqarsimangillat. Naak, Sisimiuni qatserutaasivimmi biilnut qatserutitut inissiivimmut matorsuaq annertusineqareeraluartoq, biilnik qatserutitut pisinissaq sulit utaqqineqarpoq. Sisimiuni umiarsualiviup allilerneqarnera pilersaarut malillugu ingerlavoq, maajimilu ammaanersioreernerup kingorna atulernerqarluni.



Ilaqutariinnermut tunngatillugu (konto 74) Utoqqaat Angerlarsimaffiani puigortunngortunut immikkoortortap allilerneqarnissaa, elevatoriliinissaq, igaffiullu pitsannngorsaavigneqarnissaa aallartinneqarpoq.

Ukioq-manna kontomi negativimik aningaasartuuteqarneq, ilaatigut 2012-imi pilersaarummut aningaasartuutissanut Namminersorlutik Oqartussat 50 procentimik tapiissutissaasa tiguneqarsimaneriniq patsiseqarpoq.

Ilinniartitaanermut kulturimullu tunngatillugu (konto 75) Maniitsumi Sisimiunilu meeqqeriviliornertit 2013-imi upernaakkut naammassineqarput. Minngortuunnguup Atuarfiata aamma Nalunnguarfiup Atuarfiata nutarterneqarnerat aallartinneqareerpoq, pilersaarutillu naapertorlugit ingerlallutik. Ukiup affaata siulliup qaangiunnerani Namminersorlutik Oqartussanit utertitassat tiguneqareerput.

Sanaartorfigissaanermut (konto 77) tunngatillugu pingaartumik Akiani sanaartorfigissaaneq kinguaattoorfiuvoq, aammali Sisimiuni umiarsualivimmi aqqusinermik allanguineq aamma kinguaattoorfiusimalluni. Qaarsummik qartiterineq naammassineqangajalerpoq. Kangerlussuarmi sanaartorfigissaaneq eqqarsaatigalugu maannakkut pilersaarusiortoqareerpoq, entreprenørillu isumaqatigiissusiortoqareerluni.

### **Aningaasartuuteqarfiusuni ataasiakkaani atuineq**

Illoqarfiit nunaqarfiillu katillugit		-6.307	14.755	8.448	23.569	-15.090	279,0%
A	SISIMIUT	306.706	1.390	308.096	150.231	157.865	48,8%
B	KANGERLUSSUAQ	26.502	1.874	28.376	12.225	16.151	43,1%
C	SARFANNGUIT	6.563	565	7.128	3.678	3.450	51,6%
D	ITILLEQ	6.353	-59	6.294	2.971	3.323	47,2%
E	NUNAQARFIIT ATAATSIMUT	1.186	0	1.186	484	702	40,8%
F	KANGAAMIUT	19.286	323	19.609	9.210	10.399	47,0%
G	ATAMMIK	11.045	508	11.553	3.885	7.668	33,6%
H	NAPASOQ	4.395	-10	4.385	1.873	2.512	42,7%
I	MANIITSOQ	168.988	7.056	176.044	82.779	93.265	47,0%
J	FÆLLES	-557.331	3.108	-554.223	-243.798	-310.425	44,0%
<b>A</b>		<b>306.706</b>	<b>1.390</b>	<b>308.096</b>	<b>154.720</b>	<b>157.376</b>	<b>50,2%</b>
1	ALLAFFISSORNERMUT TUNNGASUT	25.023	0	25.023	12.359	12.664	49,4%
2	TEKNIKKI	16.482	0	16.482	7.306	9.176	44,3%
3	SULIFFISSAQARTITSINIARNEQ INUUTISSARSIUTILLU	12.183	-1.925	10.258	4.819	5.439	47,0%
4	ILAQUTARIINNERMUT TUNNGASUT	84.393	2.671	87.064	46.599	40.465	53,5%
5	ILINNIARTITAANEQ KULTURILU	122.438	-666	121.772	64.587	57.185	53,0%
6	PILERSUIVIIT	2.649	0	2.649	545	2.104	20,6%
7	SANAARTORNERMUT TUNNGASUT	47.538	1.310	48.848	18.505	30.343	37,9%
8	ISERTITAT ERNIALLU	-4.000	0	-4.000	-4.491	491	112,3%
<b>I</b>		<b>168.988</b>	<b>7.056</b>	<b>176.044</b>	<b>82.778</b>	<b>93.266</b>	<b>47,0%</b>
1	ALLAFFISSORNERMUT TUNNGASUT	14.676	0	14.676	7.182	7.494	48,9%
2	TEKNIKKI	10.209	0	10.209	4.697	5.512	46,0%
3	SULIFFISSAQARTITSINIARNEQ INUUTISSARSIUTILLU	6.205	-306	5.899	1.939	3.960	32,9%
4	ILAQUTARIINNERMUT TUNNGASUT	73.571	0	73.571	36.770	36.801	50,0%
5	ILINNIARTITAANEQ KULTURILU	58.792	17	58.809	30.973	27.836	52,7%
6	PILERSUIVIIT	769	0	769	431	338	56,0%
7	SANAARTORNERMUT TUNNGASUT	4.766	7.345	12.111	2.308	9.803	19,1%
8	ISERTITAT ERNIALLU	0	0	0	-1.522	1.522	0,0%
<b>G</b>		<b>-502.667</b>	<b>513</b>	<b>-502.154</b>	<b>-318.822</b>	<b>-183.332</b>	<b>63,5%</b>

Nunaqarfiit ingerlatsinikkut atuinerat naatsorsuutigisatut ingerlavoq. Maniitsumi pilersuivinnut konto 6-imi sippuilluni atuisoqarsimavoq.



### Akileraarutit, tapiissutit nalimmassaatillu

Akileraarutit, tapiissutit nalimmassaatillu (1.000 kr.)		Missing	Tapiissu	Aningaa	Atuineq	Sinnerut	Atuineq i %
Konto	Kontop taaguutaa						
80	Inuit isertitanit akileraarutaat	-294.474	0	-294.474	-122.636	-171.838	41,6%
81	Selskabet akileraarutaat	-4.000	0	-4.000	252	-4.252	-6,3%
83	Nalinginnaasumik tapiissutit nalimmassaanerillu	-298.958	0	-298.958	-151.024	-147.934	50,5%
<b>Katillugit</b>		<b>-597.432</b>	<b>0</b>	<b>-597.432</b>	<b>-273.408</b>	<b>-324.024</b>	<b>45,8%</b>

Qeqqata Kommuniani akileraarutitigut tapiissutitigullu aningaasaliissutinit -597,4 mio. koruuniusunit -273,4 mio. koruuninik isertitaqarpoq. Taamalu 45,8 procentinik isertitaqarsimalluni.

Namminersorlutik Oqartussat naatsorsuutitut ikkussaat naapertorlugit inuit akileraarutaat (konto 80-01) qaammatitut tallimanut nalunaarsugaapput, tassa akileraarutissatigut akiliutaagallartartut kingumoortugaamik. 122 mio. koruuninik tigusaqarneq, ukiumut siulianut sanilliullugu anneruvoq, tamatumani ilaatigut procentimik ataatsimik akileraarutitigut qaffaanerup kinguneranik. Selskabet 2013-imut akileraarutaat (konto 81-01) 2013-ip aallartinnerani tunniunneqartussaapput. Ukiup siuliani ukiormi isertitaqarfiusumi akileraarutitigut utertoortissanut kommunip akiligassai, aningaasartuutitut nalunaarsorneqarsimasumut patsisaavoq.

Nalinginnaasumik tapiissutit nalimmassaarutillu (konto 83-01) tunngatillugu 2012-imi januaarip aallaqqaataani kommuninut tunniunneqartuni, PPR-imut immikkullu atuartsinermut ataatsimoortumik tapiissutinik nalunaarsuisimanermik patsiseqarpoq.

### Isertitat allat isumakkeerinninnerillu

Isertitat allat erniillu (1.000 kr.)		Missing	Tapiissu	Aningaa	Atuineq	Sinnerut	Atuineq
Konto	Kontop taaguutaa						
85	Erniat aningaasaliissutaasimasunit iluanaarutit kurs-imilu annaasa iluanaarutillu	-12.976	0	-12.976	-4.786	-8.190	36,9%
86	Isertitat allat	-8.600	0	-8.600	-1.416	-7.184	16,5%
88	Isumakkeerinninnerit	1.100	0	1.100	6	1.094	0,5%
<b>Katillugit</b>		<b>-20.476</b>	<b>0</b>	<b>-20.476</b>	<b>-6.196</b>	<b>-14.280</b>	<b>30,3%</b>

2013-ip ukiup affaani siullermi Qeqqata Kommunian erniatigut, aningaasaliissutiminik iluanaarutitigut, illuutiminik tunisinnermigut, sanaartorfigissaanermigut isumakkeerinninnertigullu -20,5 mio. koruuninik aningaasaliissutinit -6,2 mio. koruuninik isertitaqarpoq. Taamalu 30,3 procentinik isertitaqarluni.

Atoriaannarnik uninngasuutit ikiliartornerat ilutigalugu erniatigut isertitat (85-01) ukiuni pingasuni kingullerni appariartorput, 2012-imi 2013-imilu qaamatini arfinilinni siullerni aningaaserivimmumt immikkut ernianik isumaqatigiissusiortoqarnikuunani.

Illuutit attartortinnerini aningaasaliissutitigut iluanaarutit (konto 85-04) qaammatitut tallimanut akiligaapput, tamatumani INI-p Sisimiuni Maniitsumilu qaammammik ataatsimik kingumoortumik tunniussisarnera patsisaalluni.

Ukiup affaata siulliup kingorna naatsorsuutigineqarpoq, (86-01) umiarsualivimmiinnermut akiligassat, Sisimiunilu kommunip talittarfiata immikkut attartorneqarnera isertitsissutaassat. Isertitassatut naatsorsuutigineqartuni ukiup ingerlanerani kontomiit kontomut allamut nuunneqarnissaat naatsorsuutigineqarpoq.



Illuutunik tunisisarnermi (kt. 86-02) aamma sanaartorfigissaanermi akiliutit / kuuffissuarmut attavilertittarnerit ukiup qanoq ilinera apeqqutaalluni isumagineqartarput, nalinginnaasumik ukiup affaata siulliani annikinnerusumik atuisoqartarluni.

Isumakkeerinninnerit (konto 88) Isumakkeerinninnissamik suliat annertuut ataatsimoortillugit katersorneqassapput, tamatumalu kingorna Aningaasaqarnermut ataatsimiititaliamut akuerisassanngorlugit decembarimi ataatsimiinnissami saqqummiunneqassallutik.

### **Ukiup naanerani uninngasuutissat naatsorsuutigisat**

<b>2013-ip aallartinnerani aningaasaatit</b>	<b>26.734.000</b>
Ingerl. angusat, takuuk 2013-imut missingersuutit	6.237.000
Killiffimmi aningaasaatit, takuuk 2013-imut missingersuutit	-8.518.000
Immikkut aningaasaliissutit, illunut attartukkat	-9.058.000
Immikkut aningaasaliissutit, ingerlatsineq	-14.755.000
<b>Karsimiittuutit nikerarnerat katillugit</b>	<b>-26.094.000</b>
 <b>2013-ip naanerani aningaasaatit</b>	 <b>640.000</b>

Ukiup naanissaanut pigisat nalillit 26,7 mio. koruuniniit 0,6 mio. koruuninut appariaateqarnissaat naatsorsuutigineqarpoq. Taamatut naatsorsuuteqarneq 2013-ip aallartinnerani aningaasaatit, 2013-imi missingersuutitigut ingerlatsinikkut naatsorsuutigisat annertussusiinik, killiffinni nikeraatit annertussusiinik (illuliorniarnermi attartugassanik neriorsuutit), piginneqatigiilluni inissialiornianut marlunnut attartortitassatut tunniussat, taamatullu ullumikkumut immikkut aningaasaliissutit tunniunneqarsimaneriniq toqqammaveqarpoq.

Kommunit naatsorsuutaat il.il. pillugit Namminersorlutik Oqartussat nalunaarutaat nr. 13, 26.07. 2010-meersoq naapertorlugu 5 procentinik karsimiittuuteqarnissamik piunasaqaat, 01.04.2012-imi atuukkunnaartitaavoq.

Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersiuisoqarnerat kiisalu karseqarneq naatsorsuuseriveqarnerallu pillugit Namminersorlutik Oqartussat nalunaarutaat nutaaq nr. 3, 03.02.2012-meersup § 3-ani, imm. 4-mi aalajangersagaavoq, kommunit sukulluunniit aningaasanik tigorianaateqassasut ingerlaavartumik pisussaaffiit akilerneqartarnissaannut naammattunik. Kommunalbestyrelsip missingersuusiormigut ukiumi missingersuusiormimmi aningaasaqarnermigut atugassarititamigut killissarititani aalajangersartarpai.

Aningaasaatissat naatsorsuutigisaaq kommunip aningaasaqarneranut annertuumik kinguneqartitsivoq, taamaattumik immikkoortortani tamani aningaasatigut sukangasuumik sulii aqutsisoqassaaq.

### **Akiitsut**

30.6.2013-imi Qeqqata Kommuniata aningaasat akiitsulinniit pisassai katillugit 64,7 mio. koruuniupput, ukiumilu kingullermi piffisamat tassunga sanilliullugu 4,8 mio. koruuninik qaffariaateqarlutik. Meeqqanut akilersuutinit akiitsut siumoortumik tunniunneqartartut suli qaffariaateqarput. Ukiup ataatsip ingerlanerani Sisimiuni Maniitsumilu siumoortumik tunniunneqartartut 29,8 mio. koruuniniit 33,3 mio. koruuninut qaffallutik 3,5 mio. koruuninik qaffariaateqarput. Taamaattorli meeqqanut pilersuisunit akiitsut 14,3 mio. koruuniniit 13,0 mio. koruunit tungaanut 1,3 mio. koruuninik annikillisinneqarnikut Akileraartarnermut Aqutsisoqarfimmut ingerlateqqinneqarput.

### Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap aggustip 20-ani 2013-imi ataatsimiinnermini suliaq sularivaa.

### **Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigissavaa,

Nalunaarusiaq kommunalbestyrelsimit akuersissutigineqassasoq

### **Aalajangiineq**

#### **Ilanngussat**

1. Qeqqata Kommuniani oqimaaqatigiissitsineq
2. Akiitsunut allattorsimaffik (Aningaasaqarnermut ataatsimiititaliap 2013-imi juunip qaammataanut aningaasaqarnermut nalunaarusiaa ilanngunneqartoq takuuk)

**Imm. 05 2012-imut ukiumoortumik nalunaarusiaq iluarsisaq**

*Journalnr. 06.03.01*

Tunuliaqutaq

Kommunalbestyrelsiusimasup 2012-imi apriliip 30-ani ataatsimiinnermi, 2012-imut ukiumut nalunaarusiaq akuersissutigaa.

Taamaakkaluartoq kukkunersiuisut malugisimavaat, ilanngussaq ataasinnguaq annertuumik aningaasartalik ukiup naanerani kukkusumik kontomut allamut ikineqarsimasoq. Taamaalilluni naatsorsuutit aamma 2012-imut Ukiumoortumik nalunaarusiaq kukkuneqarsimammata, naatsorsuutit iluarsineqartariaqarsimapput.

Aningaasaqarnermut immikoortortaq 2012-imut ukiumoortumik tuliuttunik imalimmik nalunaarusiassatut nutaamik siunnersuusiorpoq, borgmesterip allaqqaasiutaa, nalinginnaasumik kommunip ilisaritinnera, kisitsisit pingaarnersiukkat, naatsorsuuserinnermi periuseq, sammisat allaaserineri, naammassisat naatsorsuusiornerat ilanngussallu pisariaqartut pillugit takussutissiaq. 2012-imut naatsorsuutit kom-munalbestyrelsimut 2012-imut Nalunaarusiatut saqqummiunneqarpoq.

Maleruagassatigut tunngavissaq

Kommunit aquneqarnerat pillugu Inatsisartut inatsisaat nr. 22, 18. november 2010-meersup § 46-aniit § 50-ianut naatsorsuusiorneq naatsorsuutillu.

Pissutsit atuuttut

Kukkunersiuisut malugisimavaat, Sisimiuni piginneqatigiilluni inissiaatileqatigiinnut tunngatillugu qularnaveeqqusiussaqarluni taarsigassarsinnermi allagartat, 2012-imi nammineq aningaasaatinut nalunaarsorneqarsimasut. Konto 93 02-p konto illua-tungerisaa naatsorsuusiorfimmi 2013-imi aatsaat iluarsineqarpoq. Taamaalilluni akiligassat ilaat ukiut siuliinut tunngassuteqarput. Tamatuma kingunerisaanik akiitsut piaartumik akiligassat, naatsorsuutini 29,9 mio. koruunit missaanni qaffasippallaarput. Ilanngullugu akiitsut kingusinnerusukkat akiligassat 29,9 mio. koruunit missaannik appasippallaarlutik.

Tamatuma saniatigut qularnaveeqqusiisussaataaneq pissutsinut piviusunut naapertuussimangillat, taamaattumillu taakku iluatsillugu aamma iluarsineqarlutik.

Pineqartut taakku marluk iluarsineqarput, siulianilu suliap saqqummiunneqarnerani imarisaanut sunnuteqarani. Ukiumut nalunaarusiami ilanngunneqartumi tullinnguuttut iluarsineqarput:

- Qupperneq 9 aamma 56, tassani pisinnaatitaassutsit 42 mio. koruuninit 40,4 mio. koruuniniut appartinneqarmata.

Qupperneq 55, tassani akiitsut piaartumik kingusinnerusukkullu tigusassat tamarmik 30 mio. koruuninik iluarsivigineqarput, aningaasaatigulli/pigisatigulli inissisimaffik suli 161,8 mio. koruunimiilluni.

Taamaalilluni naammassiat nalunaaruserisa suli takutippaat, kommuni 2012-imi sanaartugassanut suliffeqarfiillu imminnut aningaasaqarnikkut aquttut aningaasaliissutit nuunnginnerini 47,9 mio. koruuninik ami-gartooruteqarsimasoq, imatullu isikkoqarlutik

**Mio. Kr.**

<b>Konto</b>	<b>Aningaasaliissutit</b>	<b>Naammassiat</b>
Isertitat	608,1	614,1
Ingerlatsinikkut aningaasartuutit	- 557,4	- 551,5
Ingerlatsinikkut naammassiat	50,7	62,6
Sanaartugassatigut aningaasartuutit	- 122,4	- 110,5
Naammassiat katillugit	- 71,8	- 47,9

Atuilluartuunissakkut kingunerisinnaasai

Immikkut oqaaseqaatitassaqaangilaq.

Aningaasaqarnikkut allaffissornikkullu kingunerisinnaasai

Allannguutit killiffimmut kisimi allannguutaassapput.

Qullersaqarfiup oqaaseqaataa

Immikkut oqaaseqaatitassaqaangilaq.

Allaffeqarfiup naliliinera

Kukkusumik kontomut nalunaarsuisimaneq, allaffeqarfiup siusinnerusukkat nammineq paasisimangimmagu ajuusaarnarpoq

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap aggstip 20-ani 2013-imi ataatsimiinnermini suliap sularivaa.

**Innersuussut**

Aningaasaqarnermut ataatsimiititaliap kommunalbestyrelsimut innersuussutigissavaa

2012-imut ukiumoortumik nalunaarussiaq nutaaq akuersissutigineqassasoq, kukkuneriusunullu ingerlatinneqassasoq.

**Aalajangiineq**

**Ilanngussat**

1. 2012-imut ukiumoortumik nalunaarussiaq.

**Imm. 06 Sanaartornermut naatsorsuutit, Sisimiut**

*Journalnr. 06.03.03*

Tunuliaqutaq

Sanaartukkanut tullinnguuttunut naammassisanut sanaartornermi naatsorsuutit suliarineqarput: Kommuniip suliffeqarfiutaanni majorallaffiit.  
Nalunnguarfimmi aasaanerani sammisassat assigiinngitsut.  
Iliveqarfiup ungaluisa taarsersorneqarnissaat.  
Hjullæsserit.  
Kangerlussuarmi iliveqarfik.  
Innarluutilinnut kiffartuussivik.  
Ilinniartut inaasa innarluutilinnut naleqqussarneqarnerat.

Maleruagassatigut tunngavissat

Sanaartukkanut naatsorsuusiortoqartartussaavoq. Sanaartornermi naatsorsuutit Teknikkimut Avatangiisinullu ataatsimiititaliamit, Aningaasaqarnermut ataatsimiititaliamit Kommunalbestyrelsimiillu akuersissutigineqartussaapput.

Pissutsit atuuttut

Konto 72-03 Kommuniip suliffeqarfiutaanni majorallaffiit.

Konto 72-06 Nalunnguarfimmi aasaanerani sammisassat assigiinngitsut.

Konto 72-25 Iliveqarfiup ungaluisa taarsersorneqarnissaat.

Konto 72-35 Hjullæsserit.

Konto 72-62 Kangerlussuarmi iliveqarfik.

Konto 74-38 Innarluutilinnut kiffartuussivik.

Konto 74-50 Ilinniartut inaasa innarluutilinnut naleqqussarneqarnerat.

Atuilluartuunissakkut kinguneqaatissat

Sanaartornermut naatsorsuutit sulisoqarnikkut pisariaqartitatigullu piffissamik atuffiusarnissaannik kukkunerisuiisunit piumasaqaataavoq.

Aningaasaqarnikkut allaffissornikkullu kingnerisinnaasai

Qullersaqarfiup oqaaseqaatai

Oqaaseqaatissaqanngilaq.

Allaffeqarfiup naliliinera

Sanaartornermi naatsorsuutit eqqortutut nalilerneqarput. Kontot taaguutaat ilaatigut pilersaarutitut naapertuulluarpallaanngillat.

Teknikkimut Avatangiisinullu ataatsimiititaliami suliap sularinera

Teknikkimut Avatangiisinullu ataatsimiititaliap aggustip 13-ani 2013-imi ataatsimiinnermini suliaq sularivaa.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap aggustip 20-ani 2013-imi ataatsimiinnermini suliaq sularivaa.

**Innersuussut**

Aningaasaqarnermut ataatsimiititaliami kommunalbestyrelsimut innersuussutigineqarpoq, sanaartornermi naatsorsuutit arfineq-marluusut akuersissutigineqassasut.

**Aalajangiineq**

**Ilanngussat**

1. Sanaartornermut naatsorsuutit konto 72-03 Kommunip suliffeqarfiutaanni majorallaffiit.
2. Sanaartornermut naatsorsuutit konto 72-06 Nalunnguarfimmi aasaanerani sammisassat assigiinngitsut.
3. Sanaartornermut naatsorsuutit konto 72-25 Iliveqarfiup ungaluisa taarsersorneqarnissaat.
4. Sanaartornermut naatsorsuutit konto 72-35 Hjullæsserit
5. Sanaartornermut naatsorsuutit konto 72-62 Kangerlussuarmi iliveqarfik.
6. Sanaartornermut naatsorsuutit konto 74-38 Innarluutilinnut kiffartuussivik.
7. Sanaartornermut naatsorsuutit konto 74-50 Ilinniartut inaasa innarluutilinnut naleqqussarneqarnerat.

**Imm. 07 Sisimiuni Utoqqaat Angerlarsimaffianut aserfallatsaaliinermut Ataasiarluni aningaasartuutit immikkut aningaasaliissut**

*Journalnr. 06.02.01*

Tunuliaqutaq

Utoqqaat angerlarsimaffiani pisortamit saaffiginnissuteqarnerup kingorna Sisimiuni Teknikkimut Avatangiisinullu immikkoortortamit Sisimiuni Utoqqaat angerlarsimaffiup sanaartornermik misissuineq ingerlanneqarpoq, tassanilu paasinarsivoq, ataatsimoortarfimmi igalaanut aningaasaleqqinnissamut pisariaqartitsisoqartoq.

Maleruagassatigut tunngavissat

Allaffeqarfik naliliivoq, Kommunit aqunneqarnerat pillugu Inatsisartut inatsisaat nr. 22, 18. november 2010-meersoq, § 44 Imm. 2, Aningaasanik akuersissuteqartartuuneq kommunalbestyrelsimiippoq. Suliniutit aningaasartuuteqarnermik isertitaqarnermilluunniit kinguneqarsinnaasut, ukiumoortumilli missingersuusiani ilaatinneqanngitsut aallartinneqarsinnaanngillat, kommunalbestyrelsi aningaasartuutissanik akuersissuteqareertinnagu.

Pissutsit atuuttut

2013-imi apriliip 23-ni maajillu tallimaani Sanaartornermut inspektørup mailikkut ima allagaqarpoq:

”Igalaat suliarineqarsinnaanngillat, taamaalillutik taarserneqartariaqassallutik.

Igalaat nutaannginnerisa, aserfallanneqarsimannginnera kujammullu sammineri peqqutaallutik isugutaap seqerngullu UV-mik seqersitsinerata qisuttai aserorsimavai. Igalasserfiisa qisuttai ima aserorsimatigaat iluarsartuunneqarsinnaanatik.

Qisuk qalipanneqanngitsaq isugutammit aanermit seqinermillu aserorneqarput. Siullermik kujammut sammisut, kingornalu avannamut sammisut. Igalaajugaluarunik, qisuit qalliutaagaluarunik imaluunniit aneerasaarfiugaluarunilluunniit.

Najugaqartunit paasitinneqarpunga, ulluinnarni kingunerisaata malunniutaa tassaa sueq isaasoq. Tassa ilorrisimaarnassuseq.

Ajoqusernerit arriitsunnguamik sanaartornerup sinneranut siaruaakkiartulersinnaapput, taamaalillutik igalasserfinniit aasimanerniit isugutak iikkanut pulatilersinnaalluni. Qisunni gips-inilu il.il. isugutak oqunnguuttarpoq, tamannalu ullutsinni tusarsaasuulluni. Piffissaq sivitsortillugu siaruaannerata annertusiartornissaa ilimanarnerulersarpoq.

Igalaat tamarmik annanniarfiussaapput, tassa gangimi ikuallattoqartillugu igalaat qimaaffissatut ammarneqarsinnaasuussallutik. Taamaattumik tamarmik tamanit ammaruminartuussallutik, maannakkut tamarmik ammaruminartuunatik.

Aningaasartuutissat 200.000 – 300.000 koruunit missaaniinnissat naatsorsuutigineqarpoq, suliariumannittussarsiuussinerup kingorna kisitsisit eqqortut aatsaat pissarsiarineqarsinnaapput.

Aningaasaqarnikkut allaffissornikkullu kingunerisinnaasai

Utoqqaat angerlarsimaffiup sanaartornermut pitsaassusaata piginnarnissaanut atatillugu, ataasiartumik aningaasartuutit pisariaqartinneqartut pineqarput. Sanaartornermut inspektørup innersuussutaata kingunerivaa, 2013-imi immikkut aserfallatsaaliinissamut Utoqqaat angerlarsimaffianut aningaasaliissuteqanngimmat, taava ataasiartumik aningaasaliinissamut qinnuteqartoqarnissaa pisariaqartoq. Konto 47-09-10-22-01 Illut ininullu aningaasaliissutit 300.000 koruuninik qaffanneqarput. Aningaasaqarnikkut sanaartornermullu teknikkimut kingunerisinnaasai paasissutissiissutigineqareermata, suliariumannittussarsiuussinerup suliaassallu siuliani taaneqareersut suliarineqarnissaanut akuersissummik qinnuteqarnissaq periarfissaq allaavoq.

### Qullersaarfiup oqaaseqaatai

2010-mi 2011-milu Utoqqaat angerlarsimaffianut aserfallatsaaliinissamut 528.000 koruuninik 538.000 koruuninilu aningaasaliiffigineqarpoq, tamatumali kingorna aningaasaliissut 30-40 procentii allanut atugassanngorlugit nuutinneqarsimapput, taamaalillutik aserfallatsaaliinissamut aningaasaliissutaasut aserfallatsaaliinermut atorineqaratik.

2012-imut aningaasaliissutinut Utoqqaat angerlarsimaffiata ukiuni siuliini atuinikinnerusimanera tunngavigalugu, aserfallatsaaliinissamut aningaasaliissutaasut 1/2 mio. koruunit sinnerlugit appartinneqarsimapput, tassa affangajaanut 283 t. koruuninut, tamannalu 2012-imi 2013-imi siumullu atuulluni.

Aserfallatsaaliinermut kontomit aningaasat nooriarlugit, siunertanut allanut atorineqarneri, taamatullu kingunerani immikkut aserfallatsaaliinissamut immikkut aningaasaliissutinik qinnuteqarneq qullersaqarfimmit akuersaarneqarsinnaanngitsoq isumaqarpoq.

Pisumili matumani igalaanut taarsersuinissamut 300.000 koruuninik immikkut aningaasaliisoqartariaqartoq isumaqarfigineqarpoq, Utoqqaat angerlarsimaffianut aserfallatsaaliinissamut aningaasanik naammattunik immikkoortitsisoqarnissaa ilaqutariinnermut ataatsimiititaliap qulakkeertariaqarpaa, taamatullu piffissami qanittumi qalipanneqarnissaanut aningaasaliissutit naammannissaat.

### Allaffeqarfiup naliliinera

Allaffeqarfik naliliivoq, Kommunit aqunneqarnerat pillugu Inatsisartut inatsisaat nr. 22, 18. november 2010-meersoq, § 44 Imm. 2, naapertorlugi kommunalbestyrelsi siunertamut 535.000 koruuninik aningaasaliissuteqartariaqartoq.

### Allaffeqarfiup innersuussutaa

300.000 koruuninik immikkut aningaasaliisoqassasoq.

Suliarlu aningaasaqarnermut ataatsimiititaliamut Kommunalbestyrelsimullu ingerlateqqinneqassasoq

### Ilaqutariinnermut ataatsimiititalimi suliap suliarinera

Ilaqutariinnermut ataatsimiititaliap juunip 19-ani 2013-imi ataatsimiinnermini allaffeqarfiup innersuussutai akuersissutigivai.

### Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggstip 20-ani 2013-imi ataatsimiinnermini suliaq suliarivaa.

### **Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigineqarpoq,

Sisimiuni Utoqqaat Angerlarsimaffianut aserfallatsaaliinermut 300.000 koruuninik immikkut aningaasaliissuteqartoqassasoq

### **Aalajangiineq**

### **Ilanngussaq**

Ilanngussaqanngilaq



**Imm. 08 Kommunip pilersaarusiorneranut tapiliussassatut siunnersuut nr. 7.  
Kangerlussuarmi tammajuitsussarsititsiniarluni piniariartitsiviit**

*Journalnr.*

Tunuliaqutaq

Allaffeqarfik Inuutissarsiornermut Siunnersuisoqatigiillu Namminersorlutik Oqartussat peqatigalugit ukiuni tulleriittuni takornarissanut susassaqtitsinissanut assigiinngitsunut akuersissuteqartoqartalernissaanut periarfissaqalernissaa sulissutiginiikuaat, takornarialerisut aningaassaliissutaannut ernialersuineq annertunerusumik qulakkeernissaa anguniarlugu. Taamatuttaaq eqalunniarfinnut akuersissutinik atulersitsisoqalernikuuvoq maannakkullu assigiinngitsunut takornariaqtitsinermut akuersissutinik neqerooruteqarnissaq ajornanngilaq.

2012-imi decembarimi Namminersorlutik Oqartussat Sumiiffinni nunani aalajangersimasuni takornariartitsinermut akuersissuteqartarnissaq pillugu Inatsit akuersissutigivaat. Taamaamat nunani aalajangersimasuni neqerooruteqarnermut naammassinninnissamut tunngaviliisussamik, kommunip pilersaarusiorneranut tapiliussamik allaffeqarfik suliaqarnikuuvoq. Neqerooruteqarneq Namminersorlutik Oqartussanit eqimattanit amerlasuunit neqerooruteqarnermut nalilersuisussamik peqateqarnikkut ingerlanneqassaaq.

Kommunip pilersaarusiorneranut tapiliussap suliarineqannginnerani sumiiffimmi maannakkut tammajuitsussarsititsiniarluni piniariartitsisartunik annertunerusumik oqaloqateqartoqarsimavoq, soorlu sumiiffimmi oqartussaasunik oqaloqateqartoqarsimasoq. Pilersaarutip piffissami tamanut saqqummiunneqarnerani pilersaarutitut siunnersuut pillugu takornarialerisunik allanik, piniartut peqatigiiffiinik innuttaasunillu oqalliseqateqarnissaq periarfissaalluarumaarpoq.

Maleruagassatigut tunngavissat

Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq.

Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisissaat nr. 19, 3. december 2012-meersoq.

Bekendtgørelse om anvendelse af motoriserede køretøjer i det åbne land (Angallatit motoorillit nunaannarmi atorineqartarnissaat pillugit nalunaarut). 2013-imi aggustip/ septemberip ingerlanerani inaarutaasumik akuerineqassasoq naatsorsuutigineqarpoq.

Pissutsit atuuttut

Tammajuitsussarsititsiniarluni piniariartitsisartut sammisaqartitsisarnerat pillugu ersarissunik killilersuinernik aalajangersaanikkut, tammajuitsussarsititsiniarluni piniariartitsisarnerup paatsuugassaangitsumik tunngaveqarnissaanik pilersitsinissaq anguniarlugu, taamalu tammajuitsussarsititsiniarluni piniariartitsinissamik tuniniaasarneq kommunip pilersaarusiorneranut tapiliussaq una pineqartoq suliarineqassaaq. Taamatuttaaq piniariartitsisartut takornarissanut misigisassaqtitsinissaminnut siunissamut ungasinnerusumut aningaasaliisinaanissaannut pitsaannerusumik tunngaviliisoqassaaq.

Kangerlussuarmut pisortat aqutsinissaannut pilersaarut 2010-mi akuerineqartoq tunngavigalugu kommunip pilersaarusiorneranut tapiliussaq suliarineqarpoq.

Siunissami tammajuitsussarsititsiniarlutik piniariartitsisartut aatsaat akuersissummik peqqaarlutik Kangerlussuarmi tammajuitsussarsititsiniarlutik piniariartitsisinnaangussapput. Tammajuitsussarsititsiniarluni piniariartitsisartut piniariartitsinissaminnut akuersissuteqartalerunik, nunap immikkoortortap killiussap iluani kisiartaallutik oqartussaassuseqalissapput. Ingerlatanut allanut akuerisanut naleqqiullugu, nunap immikkoortuini akuersissutinik tunisinermi killiliisoqarnaviangilaq. Taamaalilluni inatsisit allat naapertorlugit suli inuutissarsiutigalugu sunngiffimmilu piniariartoqarsinnaavoq takornariartitsinermilu allat niuerutigineqarsinnaallutik assersuutigalugu misigisassarsiortitsilluni takornariartitsinerit, aliikkutaralugu aalisariartitsinerit pisuttuartsinerillu allarpassuillu.

Tammajuitsussarsititsiniarluni piniariartitsisartunut akuersissutinik tunniussisoqartalernissaq siunertaralugu, kommunip pilersarusiornermut tunngavissaq suliarissavaa, kommunillu Angallatit motoorillit nunaannarmi atorneqartarnissaat pillugit nalunaarut naapertorlugu assartuinermut ingerlavissiat tammajuitsussarsititsiniarluni piniariartitsinermi ingerlavigineqarsinnaasut pillugit aalajangersaassalluni. Akuersissutinik tunniussisarnerit kommuni qitiusumillu takornialerisut oqartussaasullu suleqatigalugit Aatsitassarsiorerneq Inuussutissarsiorerneq Naalakkersuisoqarfimmit tunniunneqartassapput.

Pilersarusiornermut siunnersuummi aammattaaq illuaqqanik tammajuitsussarsititsiniarluni piniariartitsinermi atugassanik qanoq pilersitsisoqarsinnaaneranik sinaakkutinik aalajangersaasoqassaaq. Illuaqqat pineqartut tammajuitsussarsititsiniarluni piniariartitsinermi takornarissanullu sammisassaqartitsinernut allanut atatillugu atugassiaassapput.

#### Atuilluartuunissakkut kingunerisinnaasat

Tammajuitsussarsititsiniarluni piniariartitsinermik inuussutissarsiorerup imminut napatissinnaanerunissamik pilersitsinissamik pilersarusiornermi anguniarneqarpoq, aammalu tammajuitsussarsititsiniarluni piniariartitsisarneq pissutsit pitsaasut atuutsinneqarniarlugit pilersarusiorneq ineriartortinneqassaaq.

Illuaqqanik inissiinissamut piumasaqaataavoq atuilluartuunermik tunngaveqassasoq, atuilluartuunermullu tunngaviusut aallaavigalugit teknikkikkut pilersuisoqassasoq, taamaalilluni ingerlatat sapinngisamik mingutsitsiffiunnginniassammata pinngortitamullu aaqpinneqarsinnaangitsumik innarliisoqannginniassammat.

#### Aningaasaqarnikkut allaffissornikkullu kingunerisinnaasai

Pilersarusiorneq allaffissornikkut aningaasaqarnikkulluunniit kommunimut kinguneqarnaviangilaq.

#### Qullersaqarfiup oqaaseqaataa

Annertunerusumik oqaaseqaatissaqartoqanngilaq.

#### Allaffeqarfiup naliliinera

Allaffeqarfiup nalilerpaa, kommunip pilersaarutaanut tapiliussaqaq pineqartoq takornialerisunut namminersortunut killissatigut piumasaqaatit pitsanngortinnissaannut pingaaruteqartuusoq. Taamatuttaaq nalilerneqarpoq takornialerinerneq ingerlatsisunut akuersissuteqartitsisarnerit Kangerlussuarmi takornarissanut sammisassaqartitsisarnerneq ineriartortitsinissamut ikorfartuisuussasoq.



Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggustip 20-ani 2013-imi ataatsimiinnermini suliaq suliarivaa.

**Innersuussut**

Aningaasaqarnermut ataatsimiititaliap kommunalbestyrelsimut akuerisassanngorlugu innersuussutigivaa,

Qeqqata Kommunianut 2012-imiit 2024-ip tungaanut Kommunip pilersaarusiorneqarneranut, kommunip pilersaarusiorneqarneranut tapiliussatut nr.7-itut siunnersuut, sapaatit akunnerinik arfineq-pingasunik sivilissusilimmik pisortatigoortumik oqallisigisassanngorlugu saqqummiunneqassasoq.

**Aalajangiineq**

**Ilanngussaq**

1. Kommunip pilersaarusiorneqarneranut tapiliussatut siunnersuut nr. 7. Kangerlussuarmi tammajuitsussarsititsiniarluni piniariartitsiviit.

**Imm. 09 Kommunip pilersaarusionerqarneranut tapiliussassatut nr. 8-tut siunnersuut**

*Journalnr. 16.03.01*

Tunuliaqutaq

Aqqusinersuup aamma Fahlip Aqquserngata naapiffiaani teqeqqumi nutaamik eqqartuussiviliorsinnaanissaq periarfissikkumallugu, Kommunip pilersaarusionerqarneranut tapiliussaq pineqartoq suliarineqarpoq. Tamanna iluatsillugu pisiniarfiit piusut ineriartortinneqarnissaannik, illoqarfiullu qiterpasissuani Aqqusinersuaq sinerlugu nutaanik pisiniarfiliortoqarsinnaanissaannik kommunalbestyrelsip aalajangiinera naammassiumallugu, illoqarfiup qiterpasissuani Brugsenip Tele Post-illu nalaa ataatsimoortumik pilersaarusionerfigineqassasoq aalajangerneqarpoq.

Maleruagassatigut tunngavissat

Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersoq naapertorlugu Kommunip pilersaarusionerqarneranut tapiliussaq suliarineqarpoq.

Pissutsit atuuttut

Sisimiuni nutaamik eqqartuussiviliorinissamut nunaminertamik atugassinneqarnissaminik, eqqartuussiveqarfik sinnerlugu Bygningsstyrelsen qinnuteqarpoq. Eqqartuussivik tamakkerluni 1000 kvm-it missaannik angitiginissaa naatsorsuutigineqarpoq. Maannakkut aamma peqqissaaviup saatungaani pisiniarfissanut nunaminertat annertusineqarnissaat, Brugsenip akia-tungaani ilaqutariinnut ataasiakkaat illorpaaluit sanaartorneqarnissaat sulissutigineqarpoq, soorluttaaq ukiuni kingullerni Tele Post pisiniarfeqarfinngorlunilu allaffeqarfinngorsimasoq. Eqqartuussivimmuut nunaminertamik nutaamik atugassanngortitsinikkut pisiniarfiit taakku, illoqarfiullu qiterpasissuani pisiniarfiit allat aamma annertusineqarnissaat pilersaarutikkut aamma periarfissanngortinneqassaaq.

Pilersaarutissatut siunnersuummut, Aqqusinersuarmut qaninnerulluni arsaattarfiup Aqqusinersuullu akornanni ”Qorsooqqinnersamut” ilaatinneqassaaq.

Pisuinnarnut il.il. suli pitsaasumik aqqutissaqartitsinissaq suli qulakkeerumallugu, Fahlip aqqusernga aqquserngup sinaanni illugiinni pisuinnarnut aqqusiisoqarsinnaalernissaa, pilersaarutitigut periarfissanngorpoq.

”Qorsooqqinnersamut” tunngatillugu siusinnerusukku eqqartuinnermi, peqqissaavimmit Nalunnguarfimmuut isikkivik innarlerneqassanngitsoq eqqartorneqarnikuuvoq. Isikkivik taanna, nutaamik pisiniarfeqalernikkut assigiinngitsunik pisunut isikkiveqalernermik taarserneqassaaq.

Biilinu inissiivissat nutaat pilersinneqarnissaat isumagisinnaassappassuk, pisiniarfittaassanut pisiniat biiliminnik inissiisinnaanissaat periarfissikkumallugu, Qimatuliviup kujataa-tungaani biilinu inissiiviliortoqarsinnaalissaaq.

Atuilluartuunissakkut kingunerisinnaasai

Pisiniarfiit Aqqusinersuarmi ataatsimoortinniarneqarnerisigut pisiniarfiit kaaviiartitatigut imminnut tapersersoqatigiinnissaasa saniatigut, innuttaasut nutaat pisiniarfinnik illoqarfimmi ujartuinatik nassaariaannaalissapput, taamaalillutalu aamma angallanneq anguniagaqarnerusoq tapersersussallutigu.

Immikkoortortap pilersinneqarneratigut, pilersuivinnik aqqusinniornernilu pitsaanerusumik atuinissamut tunngaviulluni illoqarfik eqimanerusunngortinneqassaaq. Ikuallaavimmi kissap sinneruttup atorluarneqarnissaa qulakkeerumallugu, pilersuiviit assigiinngitsut ikuallaavimmut attavilerneqarnissaannik pingaarnertut pilersaarummut ilaatinneqarluni, nutaamik sanaartugassaq kissamik avataanit pilersorneqassaaq.

#### Aningaasaqarnikkut allaffissornikkullu kingunerisinnaasai

Pilersaarutissatut siunnersuut aningaasaqarnikkut allaffissornikkullu Qeqqata Kommunianut toqqaannartumik kinguneqaatissaqanngilaq. Sanaartortitsisut isumagisassaannik, immikkoortortaq sanaartorfigissarneqassaaq.

#### Qullersaqarfiup oqaaseqaatai

Annerusumik oqaaseqaatissaqanngilaq.

#### Allaffeqarfiup naliliinera

Allaffeqarfiup nalilerpaa, Brugsenip Tele Post-illu nalaani pisariaqartitsineq naapertorlugu nutaanik pisiniarfiliornissamut periarfissiilluni illoqarfiup qiterpasissuata suli ineriartortinneqarnissaanut, pilersaarut pitsaasunik atugassaqartitsilersoq, sanaartorfissatullu immikkoortinneqarsimasut iluini pisiniarfiit assigisaallu ineriartortinneqarnissaanut periarfissagissaarluni.

Aqqusinersuup Arsaattarfiullu akornanni ”Qorsooqqinnersap” ilaa suli akuutinneqarallassanngilaq, eqqartuussiviulli illoqarfiup qiterpasissuanut nuutsinneqarnissaanut atatillugu periarfissat assigiinngitsut nalilersorneqareernerisigut, Aqqusinersuup aamma Fahlip Aqquserngata naapiffiata teqeqquani illoqarfiup qiterpasissuanut tunngavileeqataalluni sanaartorneqaruni pitsaanerussanganneqarpoq.

#### Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggstip 20-ani 2013-imi ataatsimiinnermini suliaq suliarivaa.

#### **Innersuussut**

Aningaasaqarnermut ataatsimiititaliap kommunalbestyrelsimut akuerineqaqqullugu innersuussutigaa, Kommunip pilersaarusionsorneqarneranut tapiliussassatut nr. 8-tut siunnersuut tamanut tusarniutigineqassasoq.

#### **Aalajangiineq**

#### **Ilanngussat**

1. Kommunip pilersaarusionsorneqarneranut tapiliussassatut nr. 8-tut siunnersuut.
2. Nutaamik eqqartuussivissamut, eqqartuussiveqarfik sinnerlugu sanaartortitsisuusq Bygningsstyrelsen-ip Volumenstudie nassiussaa.

**Imm. 10 Kommunimi pilersaarummut tapiliussatut siunnersuutip inaarutaasumik akuersissutiginnissaa nr. 3**

*Journalnr. 16.03.01*

Tunuliaqutaq

Qeqqata Kommuniani kommunip 2012-imiit 2024 tikillugu pilersaarusiortfigineqarneranik inaarutaasumik akuersinerminut ilanngullugu kommunalbestyrelsi aalajangiivoq, Sisimiut vandrehjemmip ineriartortinnissaa periarfissiuunniarlugu kommunimi pilersaarummut nutaamik tapiliussassaliortoqassasoq.

Kommunimi pilersaarusiortut tapiliussaq 2013-imi marsip 23-aniit 2013-imi maajip 17-ianut tamanut tusarniutaanikuvoq.

Maleruagassatigut tunngavissaq

Pilersaarusiorteq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq.

Pissutsit atuuttut

Kommunimi pilersaarusiort 3 immikkoortortami 10A-mi pilersaarut taarsissavaa, tamatumuunala vandrehjemme-p allilernissaa periarfississallugu, ilaatigut ilasinikkut, ilaatigullu illuaqqanik attartortitagassanik pilersitsinikkut. Tamatuma saniatigut Kapornip Aqquserngani quleriinnik marlunnik inissialiorsinnaannissaq ammaanpeqassalluni, isikkivimmilu café pisiniarfilluunniit inissaqalissalluni.

Immikkoortoq sumiiffik immikkoortortami pilersaarummut sanilliullugu allannortitaavoq, taamalu Nikkorsuit kujataatungaanni nunataq kisimi kommunimi pilersaarummiilluni pineqarluni. Najugaqarfissiorfissiarlu pioreersoq ilaatinneqaangitsoq, kommunimi pilersaarummut tapiliussaq 2-mut ilaareemat.

Tusarniaanerp nalaani tulliuuttuniit oqaaseqaatit akissutillugu takkunnikuupput:

1. Ineqarnermut, Pinngortitamut Avatangiisinullu Naalakkersuisoqarfik
  - a. Nuna tamakkerlugu pilersaarusiorteq
  - b. Pinngortitaq Avatangiisillu
2. Mittarfeqarfiit

Tusarniaanermi 1-mut 2-mullu akissutitigut kommunimi pilersaarummut tapiliussami annertunerusutiguunngitsuinnartigut iluarsissutitaqartitsilaarlutillu erseqqissaateqartitsilaaginnarput.

Pilersaarusiortami matumani, Isikkivimmi Vandrehjemmillu qanittuani takornariaqarikkut suliniutit annertusarniarneqarput.

Aningaasaqarikkut allaffissornikkullu kingunerisinnaasai

Kommunimi pilersaarut una aningaasaqarikkut allaffissornikkullu allannguuteqartitsisussaangilaq.



Atuilluartaunissakkut kingunerisinnaasai

Kommunimi pilersaarutikkut atuilluartaunissaq siunertaralugu nutaamik sanaartorfissaqalissamik killiliussisoqassaaq, nutaaliattu tamarmik attaveqaatinut ataniligaanissaat qulakkeerneqassalluni.

Najugaqarfiliassat atuilluartaunissaq siunertaralugu sanaartugaassapput, tassa sanaartugaareersut ineriartortitsinerup kinguneranik iluarsartuunneqalerpata piginnittuminnillu pitsanngorsanerqarpata.

Qullersaqarfiup oqaaseqaataa

Immikkut oqaaseqaatitassaqaangilaq.

Allaffeqarfiup naliliinera

Allaffeqarfik naliliivoq, inuutissarsiuteqarfiit pioreersut nutaanik periarfissinnissaat qulakkeerneqassasoq, sumiiffiup pingaarnertut najugaqarfissatut immikkoortitaasimanera ataqqillugu.

Peqatigitillugu allaffeqarfik naliliivoq, aalajangersimasunik tuniniaanerit illoqarfiup qeqqatungaanut Aqqusinersuup eqqaanut inissititernissai imminnut tapertariittutut ingerlanissaanni aalajangi-simasariaqarmat pingaaruteqartoq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggstip 20-ani 2013-imi ataatsimiinnermini suliaq suliarivaa.

**Innersuuussut**

Aningaasaqarnermut ataatsimiititaliap kommunalbestyrelsimut innersuussutigaa Kommunimi pilersaarummut tapiliussassaq taamatut isikkoqartillugu tamanut saqqummiunneqarnissaa akuersissutigineqassasoq.

**Aalajangiineq**

**Ilanngussat**

1. Kommunimi pilersaarummut inaarutaasutut tapiliussaq nr. 3.
2. Tusarniaanermi akissutit assilineri.

## **Imm. 11 Tapersuarmik pilersitsinissamik qinnuteqaat**

*Journalnr. 18.01.02.*

### Tunuliaqutaq

Gustav Hansen ApS Eqqaavimmut Aqqummi, ikuallaaviup anartaajaaleriviullu akornanni ujaqqanik ilitsivigisatut utaqqiisaasumik nunaminertamik atugassinneqarfiginikuusamini tapersualiinissamik qinnuteqarpoq. Utaqqiisaasumik nunaminertaq atugassiissut 2010-mi aggstip aallaqqaataani atorunnaarpoq.

Qinnuteqaat sumiiffiup atorneqarnissaanut siunissami pilersaarummut OTM-ip maannakkut sulissutigisaanut naapertuutinngilaq.

### Inatsisitigut maleruagassat

Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq, سوالummik:

§ 32. § 14, imm. 2 nr. 3 aamma § 14, imm. 3 naapertorlugit sumiiffiup ilaanut aalajangersimasumut aalajangersagaliornikkut pissutsinik pinngitsoortinneqarsinnaasunik pilersitsisoqarnissaa kommunalbestyrelsip inerteqqutigisinnaavaa.

*Imm. 2.* Inerteqquteqarneq ukioq ataaseq tikillugu sivisussuseqarsinnaavoq ataasiaannarlunilu pisinnaalluni. Inerteqquteqarneq tamanut nalunaarutigineqassaaq.

Illoqarfiup immikkoortortaani E4-mi pilersaarusiaq – Illoqarfiup immikkoortortaa teknikkimut – eqqaavilerinermut pissamaateqarfimmillu sullivimmut immikkoortinneqartoq.

### Pissutsit atuuttut

Nunaminertamik atugassiigallarfiisaq illoqarfiup pilersaarutaani immikkoortortat marluk E4.1 aamma E4.2 akornata killinganiippoq. Immikkoortortanut pilersaarusiornikkut tunngaviusumi ilitsivittut aammalu ikuallaavimmut igitassanik tigooraaveqarfittut atorneqarnissaat akuerineqarnikuuvoq.

Sumiiffik maannakkorpiaq Gustav Hansen-iminngaanniit issunut, ujaqqanut, asfaltitoqqanut, saviminernut atortussanullu allanut ilitsivittut atorneqarpoq.

2005-imi ujaqqanik sequtserinissamut atortunillu toqqorsivimmut minnermut nunaminertamik atugassiigallartoqarnikuuvoq. Nunaminertamik atugassiineq 2009-imi oktoberip 19-ianinngaanniit 2010-mi aggstip aallaqqaataata tungaanut sivitsorneqarnikuuvoq.

### Atuilluartuunissakkut kingunerisinnaasat

OTM-ip Immikkoortaq E4 pillugu kommunip pilersaarutaani kommunip teknikkikkut illuutai pioreersut, soorlu ikuallaavik aamma anartarfilerivik, sumiiffimmi allilerneqarnissaannut piukkussaa, kiisalu kommunip teknikkikkut illuutissaanik, assersuutigalugu minguuiaavimmik nutaamik pilersitsinissamut piukkussilluni. Tamanna atuilluilluartuunissamut sunniiveqatigiinnerup sunniutaanik kinguneqassaaq atuilluartuunissamullu suliniutinut pingasunut ilaalluni.

Immikkoortaq atuisinnaanissamik pisinnaatitsissummik qinnuteqaateqarfiusoq, assersuutigalugu minguuiaavimmik pilersitsinissamut, ikuallaaviup allilerneqarnissaanut atatillugu atoqqitassanut ilitsivissatut imaluunniit kommunip ilitsivittut / teknikkikkut illuutasa allat allilerneqarnissaannut atorneqarsinnaavoq.

Aningaasaqarnikkut allaffissornikkullu kingunerisinnaasai

Ukiup ataatsip iluani kommunip pilersaarutaanut tapiummik nutaamik suliaqartoqartussaavoq. OTM maannakkorpiaq nutaamik nutartikkamillu sumiiffimmut pilersaarusionermut tunngaviusussamik suliaqarpoq.

Qullersaqarfiup oqaaseqaataa

Allaffeqarfiup naliliinera

Kangerluarsunnguami immikkoortortaq inuutissarsiortunut atugassatut toqqarneqarsimavoq, tassanilu tupersualiornissamut aamma/ imaluunniit atortunut toqqorsiviliornissamut nunaminertamik qinnuteqarnissamik periarfissaqarlularni.

Tamanna tunuliaqutaralugu allaffeqarfiup innersuussutigaa nunaminertamik atuisinnaanermut qinnuteqaat itigartitsissutigineqassasoq aammalu § 32 malillugu inerteqquteqartoqassasoq.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap aggstip 13-ani 2013-imi ataatsimiinnermini suliaq suliarivaa.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggstip 20-ani 2013-imi ataatsimiinnermini suliaq suliarivaa.

**Innersuussineq**

Kommunalbestyrelsimut inaarutaasumik akuersissutigissassaattut aningaasaqarnermut ataatsimiititaliap innersuussutigissavaa,

Itigartitsiissuteqartoqassasoq aammalu § 32 malillugu inerteqquteqartoqassasoq.

**Aalajangiineq**

**Ilanngussaq**

1. Gustav Hansen-iminngaanniit qinnuteqaat

## **Imm. 12 Maniitsumi meeqqat illuat**

*Journalnr. 44.07*

### Tunuliaqutaq

Maniitsumi sanaartornissamat 75-01-20 -imik 2013-imut missingersuutini 2013-imut 1,0 mio. koruuninik, 2014-imullu 7,0 mio. koruuninik inuusuttut ornittagassaannut aningaasaliissuteqartoqarpoq.

Ilinniartitaanermut-, Kulturimut Sunngiffimmilu ataatsimiitsitaliap ataatsimiinnerani ulloq 25. februar 2013 innersuutit akuersissutigineqartut:

- ” Maniitsumi inuusuttut ornittagasaanut nutaamut siunnersuusiortussanik suleqatigiissitanik naapertuuttunik Ilinniartitaanermut pisortamit pilersitsisoqarnissaanut piginnaatitsisoqassasoq. 2013-imi maajimi politikikkut ataatsimiititaliamut siunnersuut tunniunneqassaaq”
- ” Ilaqutariinnermut ataatsimiititaliap Ilinniartitaanermut, Kulturimut Sunngiffimmullu ataatsimiititaliaq qinnuigissagaa, Maniitsumi fritidshjem-imut/inuusuttut ornittagaannut sanaartornermut aningaasaliissutinik 75-01-imik atuinissamat siunnersuusiortussanut pilersaarusoqatigiinnut – assingusunulluunniit – Maniitsumi Ilaqutariinnermi immikkoortortaq sinnerlugu sulisoqartinneqassasoq.

“Tamattutaaq 2013-imut missingersuutini Maniitsumi innarluutilinnut ornittagassamat 75-55-20 1,0 mio. koruuninik 2014-imullu sanaartornermut atugassanik 2,0 mio. koruuninik aningaasaliissuteqartoqarpoq. Allaaserinera ima taaneqarluni: ”Innarluutilinnut pissutsinik pitsanngorsaanissaq Kommunalbestyrelsen sallinngortippaa.”

Ilaqutariinnermut ataatsimiitsitaliap ataatsimiinnerani 1. marts 2013 innersuutit akuersissutigineqartut:

- ” Meeqqanut fritidshjem-imut/inuusuttut ornittagasaanut meeqqat innarluutilit ilanngunneqarnissaannut oqallissaarummik suliarinnittussanik naleqquttunik Ilaqutariinnermut pisortaq pilersitsissasoq.”
- ” Ilaqutariinnermut ataatsimiititaliap Ilinniartitaanermut, Kulturimut Sunngiffimmullu ataatsimiititaliaq qinnuigissagaa, Maniitsumi fritidshjem-imut/inuusuttut ornittagaannut sanaartornermut aningaasaliissutinik 75-01-imik atuinissamat siunnersuusiortussanut pilersaarusoqatigiinnut – assingusunulluunniit – Maniitsumi Ilaqutariinnermi immikkoortortaq sinnerlugu sulisoqartinneqassasoq.

Tamatamani ataatsimoorussamik ”Maniitsumi meeqqat illussuuaa” pillugu suliamut oqallisissamik saqqummiussisoqassaaq.

### Malittarisassat atuuttut

Landstingsforordning nr. 7 af 3. november 1994 om hjælp til personer med vidtgående handicap. Qeqqata Kommuniani innarluutilinnut politikkaa.

Qeqqata Kommunianut 2013-imut missingersuut.

Landstingsforordning nr. 10 af 21. maj 2002 § 1, stk. 2 om fritidsklubber

Hjemmestyrets bekendtgørelse nr. 5 af 16. april 2007 § 1, stk. 5 om fritidshjem.

Pissutsit atuutut

Maniitsumi fritidshjem-imut/inuusuttut ornittagaannut” 2013-imut missingersuutini sanaartornissamut 2013-imut 1,0 mio. koruuninik 2014-imullu 7,0 mio. koruuninik ilinniartitaanermut kulturimullu immikkoortumut aningaasaliissuteqarpoq. Aningaasaliissummut tassunga piviusunngortitsinissamut siunnersuummi, meeqqanut innarluutilinnut neqeroorutinik pitsanngorsaaniissamut ilanngunneqarnissaat pissusissamisoorpoq. Meeqqanut inuusuttunullu nalinginnaasumik neqeroorutinut meeqqat innarluutillit iluaqutaasumik ilanngunneqarsinnaapput.

Oqaatigineqareersutut Maniitsumi Innarluutilinnut ornittakkamut 2013-imut missingersuutini 2013-imut 1,0 mio. koruuninik 2014-imullu 2,0 mio. koruuninik sanaartornissamut aningaasaliissuteqarpoq. Allaaserinera ima taaneqarluni: ”Innarluutilinnut pissutsinik pitsanngorsaaniissaq Kommunalbestyrelsip sallinngortippaa.”

2012-imi upernaakkut Ilinniartitaanermut, Kulturimut Sulinngiffimmullu ataatsimiititaliap kiisalu Ilaqutariinnermut ataatsimiititaliap akunnermini suleqatigiissitanik pilersitsivoq ( takuuk IA-p 2012-imi marsip 7-ni ataatsimiinnera). Maniitsumi Ilinniartitaanermut immikkoortortami, aammalu Ilaqutariinnermullu immikkoortortami inissat atorneqarsinnaasunut suleqatigiissitat ilaatigut siunnersuusiortussaassallutik. Ataatsimiititaliani siulittaasut immikkoortumilu pisorta q suleqatigiissitani peqataasuupput. Suliakkiussat naapertorlugit suleqatigiissitat suliassaminnik naammassinnissimangillat. IA-lli juunip 12-iani ataatsimiinnermini nalunaarutaagallartoq ilaatigut suliarineqarpoq. Innarluutillit ornittagassaannut siunnersuutip suliarineqarnissaanut nalunaarutaagallartoq suleqatigiissitaniillu sanaartornissamut innarluuteqarnermullu tunngasutigut atortuutit ilanngunneqarsinnaapput.

2013-mi suleqatigiissitat nutaat, sinniissoqartut Ilinniartitaanermut, Kulturimut Sunngiffimmit kiisalu innarluutilinnut immikkoortortamit sinniisuutit, Teknikkimut Avatangiisinullu imikkoortorta qarfik suleqatigalugu sannartortitsisoqarnissaanut oqallissaarummik suliaqarsimapput.

**Pineqartut:** (ilanngussaq 1 (Ilinniartitaanermut kulturimut Sunngiffillu) kiisalu ilanngussaq 2 (innarluutilinnut immikkoortorta qarfik)

Meeqqat suleqatigiissitanit eqqarsaatigineqartut tassaapput, meeqqat inuusuttuaqqallu suli mannamut atuartuupput, imatullu agguataarneqarsimallutik:

Atuareernerup kingorna paaqqinnittarfimmiittartut 1-3 klassit:

2013-mi meeqqat 6-7 ukiullit 1- 2 klassit katillugit 69-it atuareernerup kingorna paaritittartut. Siunissami ornittakkamik atuisussat meeqqat 6-8 tungaanut ukioqalersimasusat 1,2 aamma 3 klassit 109-miss. Atuareernerup nalaani paaritittarfik akunnerit 6-8 atorneqarpoq, taamatuttaarli aasaanerani atuannngiffimmi.

Fritidsklubbimik atuisut 4-7 klassit:

Meeqqat 8- 16-it ulluinnarni fritidsjubbimik atuisuupput, tassaallutik 4-7 klassimi atuartut. Imaappoq, meeqqat 9-12-nut ukiullit paaritittarfiup aaqqissugaaneratulli pituttorsimanatik isersimasinnaapput anisinnaallutillu. Atuisuni taakkunani meeqqat 9-12-nik ukiullit 171-it missaaniupput.

Fritidsklubbi ukioq naallugu ammasarpoq.

Klubbeeqqamik atuisut 10-14-nik ukiullit:

Ukiuunerani Oktoberimiit martsip qaammataata tungaanut meeqqat akunnattunik ukiullit unnukkut klubbeerartinneqartarput, imaappoq marl. Sisa. Arfin. unnukkut 18-miit 21-mut meeqqat 10-14-nik ukiullit klubbeeqqamik atuisarput. Meeqqat klubbeerartartut 10-14-nik ukiullit 230-missaat meeraatigaagut.

Siunissami meeqat taakku 10-14-nik ukiullit unnukkut 18-21-mut ornittakkamiinnissamut periarfissaqalissapput, tassami Inuusuit klubbiannut inuusuttuaqqat isersinnaasut 14-21 ukiulinnut killeqarmata, meeqat taakku pineqartut suli isersinnaatitaanngillat.

Meeqqanut innarluutilinnut/tapersersortilinnut neqeroorutit:

Tassani pineqarput meeqat inuusuttullu immikkut pisariaqartitsisut. Taakku ulluinnarni sapinngisamik nalinginnaasumik atugaqarnissaat siunertaralugu tapersersorteqarput. Maannamut meeqat inuusuttuaqqallu 0-18-ukiullit innarluutilittut nalunaarsorsimapput, taakkunani 9-at atuartuullutik. Taakkunanittaaq 6 (7) atuareernerup kingorna paaritittarput, inissalli tungaatigut pitsaanerusumik periarfissaqaraluarpat amerlanerusinnaagaluarlutik.

#### **Inissisimaffit:**

Suleqatigiissitat Teknikkimut Avatangiisinullu immikkoortortaqarfik suleqatigalugu suliamut siunnersuutorput. Taanna ilanngussami 3-mi takuneqarsinnaavoq.

Inissisimaffiup pitsaasuunissaa siunertaalluni, suleqatigiissitat marluusut eqqartueqatigiipput. Meeqqanut innarluutilinnullu inissisimaffissap naleqquttuunissaa, aammalu illoqarfiup qeqqani atuarfimmu qanitumiinnissaa suleqatigiissitanit marluusunit kissaatigineqarpoq. Taamaattorli biiliniq allanillu aamma nipilorfiunngitsumi. Suleqatigiissitat isumaqarput, inissisimaffik eqqarsaatigalugu Aja-simasoq piukkunnartoq.

B-669, Aja 2012-ip tungaanut meeraaqqerivittut atorineqarsimasoq iluarsartuullugu atorineqarsinnaasutut toqqarneqarpoq.

Taanna tuniniarneqarsimagaluarpoq, maannamulli suli iluatsinngitsumik. Ini ataaserluunniit najugaqarfittut iluarsartuutissagaanni ilaatigut akisugivallaartussatut nalilerneqarpoq, saniatigullu init ilusimikkut angivallaarput, kiisalu attartortissallugit akisuvallaarlutik. taamatuttaaq attartortinniarni akisuallaassallutik. AJA-p inissisimaffiata nunataa annertungaatsiarpoq atorluarneqarsinnaallunilu, tunuatungaaniittorlu siornatigut meeraaqqerivittut/meeqerivittut atorineqarnikuugami meeqqanut naleqqulluni.

*Illoqarfiup ilaanut pilersaarummut killiliussarititaasumi takuneqarsinnaavoq, sannartortoqassatillugu oqaluffitoqqap nalaa isikkumigut allannortinneqasanngitsoq.* Kommuniq illumik allannortitsinissamik pilersaarnera, Ineqarnermut, Nunalerinnermut Avatangiisinullu Naalakkersuisoqarfik 23. april 2013 allakkatigut nalunaarfigineqarpoq, apeqquteqaatigineqarporlu tassunga qullersaqarfik oqaaseqaatissaqarnersoq. Oqaaseqaammik takkuttoqanngilaq. Tamanna pillugu OMT mailikkut nukingisaarivoq.

Aammattaq maannakkut fritidsklubbi (INUUSUIT) piuinnaarissaa, Ilaqutariinnermut aammalu Ilinniartitaanermut immikkoortortamut siunnersuutigineqarpoq. Tassani eqarsaatigineqarlutik inuusuttuaqqat/nuusuttut (14-21-nik ukiullit) meeqqanik minnernik akuuffigineqarnatik sumiiffissaqarnissaat. Tassunga tunngatillugu klubbip nutarternissaanut missingersuusiornissaq innersutigineqarpoq

#### Piuinnaarissamik kingunerisassat

Avatangiiseq Aja B-669-millu iluarsartuussilluni sanaqqiinissaq eqqarsaatigalugu, pioreersunik atorsinnaasunik atoqqineq tuluartuuvoq. Taamatuttaaq aningaasatigut attassisinnaalluni, tassami illup ilaata atoqqinneqarnissaa 4-6 mio. koruunit tungaanut naleqartussatut Teknikkeqarfimmit nalilerneqarmat.

Taamatuttaaq ”Meeqqat illuat” isumaq immineq perorsaanerup tungaatigut atajuaannartitsisussaavoq. Tassani meeqqanut 6-14-nik ukiulinnut sunngiffimmi neqeroorut ataatsimoorfiussaag ataqatigiiffiullunilu.



Aningaasatigut alaffissornikkullu kingunerisassat

Maniitsumi illuliat kingulliit m<sup>2</sup>-mut 20.831 koruunik naleqarput.

Tassunga nunagissaaneq betonilerinerlu m<sup>2</sup>-mut 4,960 koruunik naleqarluni.

B-mi 471 m<sup>2</sup> (C-mi quleriit 2 aamma 3, aama B-mi quleriit 3-uat majuartarfiillu) suliarineqarnissaat m<sup>2</sup>-mut 15.872 koruunit tungaanut naleqarnissaa naatsorsuutigineqarpoq.

(B-mi quleriit 2, kiisalu D-mi quleriit 3-at) tassani naqqata pioreersup katillugu 254 m<sup>2</sup>-usup iluarsartuunneqarnissaa m<sup>2</sup>-mut 10.000 koruunit tungaanut naleqarnissaa naatsorsuutigineqarpoq.

Init pingaanginnerit (B-mi quleriit 1 aamma D-mi quleriit 2) katillugu 174 m<sup>2</sup>, m<sup>2</sup>- mut 4.000 koruunit atorlugit suliarineqarsinnaanerat naatsorsuutigineqarpoq.

Taakku saniatigut isaterinermut elevatorimullu aningaasartuutissat 1 mio - koruunik naleqarnissaat naatsorsuutigineqarpoq.

	M <sup>2</sup>	Pr/m <sup>2</sup>	Aki
Nutaamik sannartorneq	471	15.872	7.475.536
Iluarsartuussineq	254	10.000	2.540.000
Init nalinginnaasut	174	4.000	696.000
Isaterineq elevatorilu			1.000.000
Katillugit	899		11.711.536

Fritidsklubbimut innarluutilinnullu ornittagassamat immikkoortitanut, tassa 8 mio. koruunit aammalu 3. mio. koruunit, katillugu 11 mio. koruuniusunut naleqqiullugu qulaani nalunaarusiaq 1. mio. koruunik annertuneruvoq.

Allatseqarfimmit oqaaseqaat

Atuisut tamarmik eqqarsaatigineqarnissaat qullersaqarfimmit aqqqissutitut pitsaasutut isigineqarpoq. Aaqqiissut pillugu tamarmik tusaaneqarnissaat isumaqatigiinnissaallu pingaaruteqarpoq.

Allamik oqaaseqaatissaqanngilaq.

Allaffeqarfiup naliliinera

Siunnersuutip saqqummiunneqartup ataatsimut isigalugit makku tunngavigalugit akuersaarnartutut allaffeqarfimmit nalilerneqarput:

- Ulluinnarni atuartunut ataatsimoorfik ataqatigiinnerlu. - illoqarfiup qeqqani inissisimanera, perorsaaniarnikkullu ataatsimut suleqatigiiffissatut periarfissat.
- Meeqqat innarluutillit eqqarsaatigalugit meeqqanut allanut sammisassatigut akuutinneqarnissaat.
- Illup pioreersup naleqquttumik atoqqinneqarsinnaanera.
- Aningaasatigut killissarititaasut iluani suliniut pitsaasoq.
- Aningaasatigut missingiussinermi nalorninartup akuersaarneqarsinnaasulli iluaniittutut nalilerneqarpoq.

Allaffeqarfiup innersuussutaa

Innersuutigineqarpoq.

- Sannartornissamat siunnersuut innersuutilerlugu aningaasaqarnermut ataatsimiititalimut ingerlateqqinneqassasoq, tassangaaniillu ilalernartinneqarluni kommunalbestyrelsimut akuerisassanngorlugu innersuutigineqassasoq.
- 2015-mut missingersuusiornissamat siunissami ”meeqqat illuata” ingerlanneqarnissaanut sinaakkutissat suliarinissaata ingerlatiinnarneqarnissaat.



Ataatsimiititaliani suliap suliarinera

Ilinniartitaanermut Kulturimut Sunngiffimmullu ataatsimiititaliap juunip 17-ani 2013-imi Ilaqtariinnermullu ataatsimiititaliap juunip 19-ani 2013-imi ataatsimiinnerini allaffeqarfiup innersuussutaa akuersissutigineqarpoq.

Imm. Aningaasaqarnermik Ataatsimiititaliamut kiisalu kommunalbestyrelsemullu ingerlateqqinneqassaaq.

Paasissutissat nutaat

Qeqqata Kommuniani suliariumannittussarsiuussisarnerit inernerisa qaffakkiartorneri tunngavigalugit, sanaartortitsinnermut missingersuutit naliliiffigeqqinneqarput, suliniummullu aningaasartuutissat ataatsimut katillugit 15 mio. koruunit missaaniinnissaat nalilerneqarluni. Siunertamut aningaasaliissutitut immikkoortitaniit 4 mio. koruuninik annertunerulluni.

Qullersaqarfiup innersuussutaa

Taamak annertutigisumik akisutigisumillu allanngortiterinissaq naapertuunnersoq misissorneqartariaqartoq, qullersaqarfimmit nalilerneqarpoq. Maniitsumi meeqqanut inuusuttunullu sunngiffimmi periarfissanik ataatsimoortumik aaqqiinissamut tullinnguuttutigut periarfissat allaasinnaapput:

- Ajap illutaata annikinnerusumik iluarsartuunneqarneratigut
- Ataatsimoortumik aaqqiinissamut maannakkut inuusuttut ornittagaat ilanngunneqarneratigut
- Ataatsimoortumik aaqqiinissamut illuutit allat ilanngunneqarneratigut
- Nutaamik sanaartornikkut

Kommunalbestyrelsip naapeqatigiilluni Maniitsumi ataatsimiinnissaminut atatillugu, ataatsimiinnginnermi illoqarfimmi angalaarnermini Ajap illutaata alakkarterneqarnissaa naapertuutissasoq, qullersaqarfimmit nalilerneqarpoq. Maniitsumut tikeraarnermut atatillugu aamma tamanna pillugu innuttaasunik ataatsimiisitsinissamut aggersaanissaq periarfissaasinnaavoq.

Tamatumunnga atatillugu missingersuutit naammassineqarnissaat siunertaralugu, kommunalbestyrelsip Maniitsuliannginnerani suleqatigiissitat aaqqiissutissatut periarfissaasinnaasunik saqqummiinissaat qullersaqarfimmit kajumissaarutigineqarpoq.

Allaffeqarfiup innersuussutaa

Aningaasaqarnermut ataatsimiititaliamut akuersissanngorlugu innersuussutigineqarpoq

Suliap ingerlateqqinneqarnissaanut aalajangiinnginnermi periarfissat allat kommunalbestyrelsimut saqqummiunneqassat

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap aggstip 20-ani 2013-imi ataatsimiinnermini allaffeqarfiup innersuussutaa akuersissutigivaa.

### **Innersuusut**

Kommunalbestyrelsimut innersuussutigineqassaaq, suliap oqallisigereerneratigut qanoq ingerlateqqinneqarnissaa aalajangiiffigeqqullugu.

### **Aalajangiineq**

#### **Ilanngussaq**

1. Meeqqanut inuusuttunullu ornittagassaq pillugu suliaqartut ataatsimiitsitaliaannut nalunaarut.
2. Meeqqanut innarluutilinnut ornittagassaq pillugu suliaqartut ataatsimiitsitaliaannut nalunaarut.
3. Sanatitsisussanit saqqummiussaq.



**Imm. 13 Imigassamik sassaallersinnaanissamut akuersissummik qinnuteqaat – NORD Café & Art**

*Journalnr. 70.06.00*

Tunuliaqutaq

Anette Lings NORD Café & Art-imi Jukkorsuup Aqq. 2, B18-imi imigassanik kimittuunik kimikitsunillu sassaallersinnaanissaminut akuersissummik 2013-imi juulip 8-ni qinnuteqarpoq.

NORD Café World of Greenland Arctic Circle aamma Hotel Sisimiut suleqatigiiffigivaat. Hotel Sisimiut pisiniarfimmik ulluinnarni ingerlatsisuuvoq, tassanilu takornarissat illoqarfimmiullu pisiniarsinnaallutik.

NORD café & Art-ip Cafétaa, Restaurant Nasaasaap immikkoortortaatus ingerlatarivaa.

Imigassamik sassaallersinnaanermut akuersissummik qinnuteqarnermi siunertaavoq, kalaallit immiaaraliaannik viininillu nerinermut atatillugu sassaallersinnaalernissaq.

Maleruagassatigut tunngavissaq

Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaat nr. 11, 11. november 2000-imeersoq. Inatsisip kapitalia 2 naapertorlugu, imigassamik kimittuunik kimikitsunilluunniit sassaallersinnaanissami nioqquteqarsinnaanermilu akuersissuteqarto-qassaaq, taannalu inimit/-nut aalajangersimasunut tunngatinneqarluni kommunalbestyrelsimit tunniunneqartussaaluni.

Pissutsit atuuttut

Hotel Sisimiut saaffiginnittarfeqarfimminut Restaurant Nasaasaamullu akuersissummik pigisaqa-reerpoq.

Atuilluartsuut kingunerisinnaasai

**Innersuussut**

Kommunalbestyrelsimut akuereqqullugu innersuussutigineqarpoq,

NORD Café & Art-imi imigassanik kimittuunik kimikitsunillu ukiuni tulliuttuni pingasuni sassaallersinnaanermut akuersissuteqartoqassasoq.

**Aalajangiineq**

**Ilanngussa**

Ilanngussaqqanngilaq

**Imm. 14 Nuummi Umiarsualivissaq pillugu aalajangiinissami siunnersuutip tusarniutaanera**  
*Journalnr.*

Tunuliaqutaq

Kalaallit Nunaanni Namminersorlutik Oqartussat siulersuisuisa allatseqarfiat, Nuummi umiarsualivissap aalajangiiffiginissaanut siunnersuut tusarniutitut nassiuppaat. Tusarniuteqarnermi akissute-qarnissamut 2013-mi septembarip 2-anut killiliussaavoq.

Maleruagassatigut tunngavissaq

Kalaallit Nunaanni Namminersorlutik Oqartussat naapertorlugit, inatsit toqqammavissaasoq, tassalu umiarsuliviup piginneqatigiinnikkut sanaartornissa ingerlanneqarnissaalu pillugit, suli naammassineqanngilaq, taamalu nutamik umiarsuliviit pillugit inatsisiliortoqassasoq.

Pissutsit atuuttut

Assartuussineq pillugu Isumasioqatigiissitap Nuummi nutamik angisuumik umiarsualiviliortoqarnissaa innersuusutiginiuuua, tamatumalu kingorna inuiaqatigiit aningaasaqarnerisigut kingunerisinnaasai sukumiisumik nalilersuiffigineqarnikuullutik, tassa Namminersorlutik Oqartussat tusarniummut atatillugu allagaat naapertorlugu.

Assartuussineq pillugu Isumasioqatigiissitap aallaqqaammut umiarsuliviit nutaat allilerinissalluunniit misissuiffiginngilaa, tassa umiarsuliviit pillugit Nuup avataaniit illoqarfinniit sukumiisunik si-unnersuutunik saqqumisoqangimmat. Naak, tamanna ilaatigut Sisimiut Umiarsualivia pillugu kommunip nammineq ”A/S Umimmak Traffic-imut Niuernermik pilersaarut” 2006-mi kiisalu Rambøll-ikkut ”Sisimiut Umiarsualiviat: Ineriartortitsinissamik takorluukkat”-ni ilaatinneqaraluartoq.

Ukiuni kingullerni nassiussat pingaartumik Nuummi amerliartorsimapput. Sisimiut Umiarsualiviat pissutsinik tunngaveqartumik killilersugaasimavoq, tamannalumi pissutigalugu ilaatigut Cairn-ikkut Nuup Umiarsualivia toqqarsimallugu, naak 2010-mi uuliamik msississuinerminnut atatillugu Sisimiut Umiarsualiviata toqqarnissaa pissusissamisoornerussagaluq. 2012-mili nassiussat annikilleriarsimapput, pingaartumillu Nuummi.

Kingusinnerpaamik attaveqatigiinnermut naalakkersuisoqarfik RAL-ilu anneruniarsimapput, Nuup Umiarsualiviani piusumi inuussutissatigut killeqarfimmi misissuinerup inissinneqarnissaanik. Taamaalillunilu Nuup Umiarsualiviani inissaq annikillilluni, ilaatigullu siunissami Nuummut nassiussat annertusissutigisassaannik, tassa nunanit allaneersut aalisariutit taamaallaat Nuummi Sisimiunilu tulaassisinnaalissammata.

Atuilluartuunissakkut kingunerisinnaasai

Annertuumik sanaartornissaq inuutissarsiuteqarnermut attuumassuteqanngitsoq, atuilluarfiunavianngilaq. Ammattaarlumi ukiuni kingullerni qitiusumik aallussinerujussuup ingerlateqqiinnarnissaa atuilluarnermik kinguneqarnaviarani. Qitiusumut inissitsitereqqiinnarnikkut nuna naligiinnngilluarnertumik pineqassaaq, massakumullu aggualunnera suli annertusiartuinnassalluni. Tamatuma kingunerissavaa, nunap sinnerani inuutissarsiuteqarnikkut periarfissaarunnissaa ajornakusuuleraluttuinnarnissaalu.



Nuummi annertuumik umiarsualiviliornissamat aningaasaliissuteqarnermut, tulliuuttut patsisaapput,

- Assartuussineq pillugu Isumasioqatigiissitami sinniisuusut amerlanersaat Nuummi Danmarkimilu najugaqarnerat, taamalu Nuummi Danmarkimilu pissutsinik ilisimaarisanillu pingaartitaqarlutik
  - Nuup Kommunea/Kommuneqarfik Sermersooq kommuninut allanut sanilliullugu umiarsualiviliornissami nalunaarusiortitilluni siunnersortinut akiliutissamik aningaasaateqarnerugami
  - matumani namminersortut/inuinnaat innuttaasumut ataatsimut naleqqiullugu annertunerummat, tassalu ataatsimoortumik tapiissutit naapertuutinningsumik agguanneqartarlutik, Nuummilu innutaasup ataatsip isertitaqarnera agguaqatigiissitsinikkut nunap sinneranut sanilliullugu annerungaatsiarmat
  - Nuummi Nuuk Imeq-mi immiaaqqanik/sodavandinik nioqqutissiorneq illersorniarlugu iliuutsit kingunerimmassuk, massakkumut Nuummiit/-mullu nassiussat annertusuusaarnerat
  - Namminersorlutik Oqartussat ukiuni kingullerni Nuummi inissialiernerujussuaq ilinniartinnik, suliffissanik innuttaasunillu Nuummut nuttartitsinerit ingerlammatigit
  - attaveqaqatigiinnermut naalakersuisoqarfik RAL-ilu Nuup Umiarsualivianik inissaaleqitsitsi-niutitit ilaatigut uumasunik nakkutilliineq umiarsualiviup qeqqanut inissimmassuk
  - naak, aalisarnikkut aatsitassarsiornikkullu misissuinerit Nuummiit ungasissorujussuugaluit
  - naak, Maniitsumi alumiiniumik pilersaarummut atatillugu umiarsualivimmik angisuumik siunissami qanittumi sanasoqartussaagaluaq
- atuilluartuunissamat iluaqutaanaviannngivissut.

#### Aningaasaqarnikkut allaffissornikkullu kingunerisinnaasai

Nuup Umiarsualiviliornissaa Assartuussineq pillugu Isumasioqatigiissitami naatsorsorneqarsimavoq 480 mio. koruuninut, nalunngisalli naapertorlugit massakkut sanaartornissamat aningaasaliissute-qarnissaq 680 mio. koruuninut inissisimalluni. Taassuma saniatigut attaveqarnikkut pisariaqartitanut pitsanngorsaanaissaq 100-200 mio. koruuniniillutik.

Tamakku pisortat aningaasaliiffissaat Nuummi aningaasaqarnikkut annertooujussuarmik sunniute-qartussaapput, taamalu sulisartunut ilinniagalinnut sinnerissameersunit nunanillu allaneersunit suli Nuuk orniginarnerulissalluni. Naak illuatungerluinnaanik sinerissami pisoraqaraluartoq, tassalu at-taveqarnikkut sanaartugassat kommuninut namminersortunullu akisussaaffittut tunniullugit.

Qeqqata Kommunianut aamma ima kinguneqassaaq, Sisimiut Umiarsualivianut aningaasaliineq, pisariaqartumik Kangerlussuup Umiarsualivianut Qaasuitsullu Kommuniani umiarsulivimmut ani-ngaasaliisoqarani, naak pisariaqartinneqaraluit, tassa Kalaallit Nunaanni takornariaqarnikkut ineriartortitsineq killup tungaaniit illuatungaanut nuutsittariaqaraluaq. Nunarsuit akornanni Kalaallit Nunaata kisiartaalluni umiarsuartigut takornarissanik angallasinikkut soqutiginninneq malugivaa, namminersorlutimmi oqartussat tamatumani akitsuutaat annertoqigamik umiarsualivinni atugassarititaasunut pitsaannngitsunut sanilliullugit.

#### Qullersaqarfiup oqaaseqaataa

Immikkut oqaaseqaatitassaqaanngilaq.

#### Allaffeqarfiup naliliinera

Allafeqarfik naliliivoq, Nuummi umiarsualiverujussualiorniarneq pisortat aningaasaataannik asuli atuinerussasoq, taamaallaalli Kalaallit Nunaanni umiarsuliveqarnikkut angallaffiunikkullu assigiinngisitsinermut ukiuni aggersuni arlalinni ersiutaassasoq. Tamatumuuna sumiiffinni/kommunini Nuup avataaneersuni ineriartortitsinissaraluaq mattunneqassaaq, naak innuttaasut tamarmiullutik umiarsulivissamat akileeqataassagaluit.



Allaffeqarfiup innersuussutaa

Aatsitassanut Attaveqaqatigiinnermullu ataatsimiititaliamut Aningaasaqarnermullu ataatsimiititaliamut innersuussutigineqassapput

Matuma siuliini eqqartorneqartut oqallisigineqassasut, tusarniummullu oqaaseqaatissanut ilassutaasinnaasunik saqqumiussilluni

Tusarniummut akissutissamik allaffeqarfik suliaqassasoq, aggstip naanerani kommunalbestyrelsimit akuerineqartussanik

Aatsitassanut Attaveqaqatigiinnermullu ataatsimiititaliami suliap suliarinera

Aatsitassanut Attaveqaqatigiinnermullu ataatsimiititaliap aggstip 20-an 2013-imi ataatsimiinnermini suliaq suliarivaa.

Allaffeqarfiup innersuussutaa tulliuttut ilassutigalugit akuerineqarpoq:

- Kommuneqarfik Sermersooq-miit aningaasalersueqataaneq amigaatigineqarpoq
- Namminersorlutik Oqartussanit 100 % -imik pigineqartumik aktianik pigineqatigiiffimmik pilersitseqqinnissaq aqqiussuunerlunneruvoq
- Suna tamaat Nuummiitsinneqassappat, nunap immikkoortuini aalisarnermut, kilisaatinik usingiaasarnermut avammullu nioqquteqarnermut periarfissaarutsitsissaq
- Nuummi umiarsuit takornariartaatit ikinnerat eqqaaneqartariaqarpoq

**Innersuussut**

Kommunalbestyrelsimut innersuussutigineqarpoq tusarniummut akissutissaq akuereqqullugu.

**Aalajangiineq**

**Ilanngussaq**

1. Namminersorlutik Oqartussat siunnersuutaat 2013-mi juulip aallaqqaataaneersoq ”Nuummi umiarsualivittaassap sanaartorneqarnissaanut ingerlanneqarnissaanillu siunertaqartumik aktiaateqarluni ingerlatsivimmik pilersitsisoqarnissaanik kingusinnerpaamillu UPA 2014-imi ingerlatsiviup umiarsualiviillu allat pissutsinut nalimmassarneqarnissaat pillugit Naalakkersuisut 2013-imi suliakkerneqarnissaat pillugu Inatsisartut aalajangiiffigisassaattut siunnersuut.”
2. Tusarniaanermut akissutissatut siunnersuut – Malinnaatinneqassaaq.

**Imm. 15 Nunami qamuterallannik sisamanik assakaasullinni atuineq pillugu Tønnes Kreutzmann-ip oqaluuserisassanngortitaa**

*Journalnr. 16.08*

Tunuliaqutaq

Kommunalbestyrelsimi ilaasortap Tønnes Kreutzmann-ip ataatsimiititaliamut oqaluuserisassanngorlugu siunnersuutaa imatut oqaasertaqarpoq:

“1. August 2013 tuttuq umimmaallu piniagaaneri sioqqullugit aammalumi piniagaanerisa nalaanni qamuterallannik sisamanik assakaasullinnik atortoqarluni nunatat atuiffiusussatut inassuteqaataatit sipporujussuarlugit sumi tamaani atuineq ingerlalersimavoq.

Taamaattumik Kangerlussuup nunataani sumiiffinni aalajangersimasuni qamuterallannik atuisinnaanermik akuersissuteqartarnerup kingumut nalilersuiffigineqarnissaa siunertaralugu apeqqutit uku qulaajaaffigineqarnissaat piumasaaqatigissavara:

1. Kikkut akuersisartuuppat akuersissutillu qanoq sivilutigisumik atuuttussaataappat?
2. Qamuterallaffiusinnaasutut akuersissutigineqarsimasut sorliuppat qanorlu ilisimaneqartigippat?
3. Nakkutiginninnissamut akisussaaffik sumiippa?”

Pissutsit atuuttut

Kikkut qinnuteqartunut akuersisartuunersumut apeqqummut akissut unaavoq Namminersorlutik Oqartussat akuersisartuummata, qinnuteqartoqaraangallu kommuni tusarniaaffigineqartarpoq. Ilanngussami nr. 2-mi takuneqarsinnaavoq kikkut akuersissummik tunineqarsimanersut sumut qanorlu sivilutigisumik, aammalu kikkut itigartitaasimanersut.

Nakkutiginnittussat tassaapput piniarnermik nakkutilliisut, taakkulu Namminersorlutik Oqartussani atorfeqartuupput.

Ilanngussamut ilannguneqarpoq Kangerlussuup Nunataata aqutsivigineqarnissaanut pilersaarut 2010-meersoq. Pilersaarummi ersarissumik takuneqarsinnaapput suut motorilinnik aqqutigineqarsinnaasutut akuerisaasut.

Allaffeqarfiup innersuussutaa

Innersuussutigineqassaaq:

- a) Akissutit tusaatissatut tiguneqassasut aammalu
- b) Akissutigineqartut oqalissigineqassasut

Pisuussutit Uumassusillit pillugit ataatsimiititaliami suliap suiarinera

Pisuussutit Uumassusillit pillugit ataatsimiititaliap aggstip 20-ani 2013-imi ataatsimiinnermini aalajangiuppaa, Piniarnermut nakkutilliisut nassuiaataat aammalu piniartut nunamilu atuisut allat ilisimasaat aallaavigalugit qamutinik motorilinnik aasaanerani piniarnermut atuinerup inerteqqutinngortinneqarnissaa Namminersornerullutik oqartussanut saaffiginnissutigineqarnissaa siunniuneqartoq kommunalbestyrelsimut akuereqqullugu ingerlatinneqassasoq.



### **Innersuussut**

Kommunalbestyrelsimut akuereqqullugu innersuussutigineqarpoq,

qamutininik motorilinnik aasaanerani piniarnermut atuinerup inerteqqutinngortinneqarnissaa  
Namminersorlutik Oqartussanut saaffiginnissutigineqassasq

### **Aalajangiineq**

#### **Ilanngussaq**

1. Tønnes Kreutzmann-ip siunnersuutaa 14.8.2013-imeersoq
2. Akuersissutininik tunineqarsimasunut takussutissaq
3. Kangerlussuup Nunataata aqutsivigineqarnissaanut pilersaarut 2010-meersoq.

**Imm. 16 Oqaluuserisassatut siunnersuutit – 1. ”Sanna”-mi inuttat inissitsiterneqarnerat pillugu aaqqissuussinerup allannqornissaa aamma 2. Kommunip talittarfiata eqaata takujuminartuunissaanut, Royal Greenlandip tunuani torersaasoqarnissaa**

*Journalnr.*

Tunuliaqutaq

Kommunalbestyrelsimi ilaasortap Malene Ingemannip, kommunalbestyrelsimi oqaluuserisassatut siunnersuutit tulliuttut aggstip 6-ani 2013-imi e-malikkut nassiuppai.

1) ”Sanna”-mi inuttat inissitsiterneqarnerat pillugu aaqqissuussinerup allannqornissaanut siunnersuut:

”Aasap ingerlanerani 'Sanna'-minngaanniit 'tikeraartoqarnikuuvugut', umiarsuullu Kalaallit Nunaatalu sineriaata eqqaani sinerissamilu aalisakkat amerlassusiat suussusiillu misissortarpai. Umiarsuarmi inuttat inissitsiterneqarnerat pillugu aaqqissuussinerup siunertalimmik allannqortinneqarnissaanut kommunalbestyrelsimi tapersorsorneqarnissara kissaatigaara. Taamaalilluta uumassusilerituut saniatigut assigiimmik akissarsiaqartinneqartumik (sumiiffimmi aalisartumik) Sanna-mi sumiiffimmut aalisarnermullu ilisimasaqarluartumik inuttaqarnissaa qulakkeersinnaavarput, - taamaasiornikkut nunap immikkoortuani aalisakkat pillugit Naalakkersuisunut siunnersuineq qulakkeerneqassaaq.

Aallaqqaataaniilli pisassiissutit eqqortumik amerlassusilernissaat qulakkeerneqarnissaannik kinguneqarsinnaavoq. Ukioq ataaseq sioqqullugu Sanna-p angalanera pilersaaruserneqartalertariaqarpoq, taamaalilluni aalisartut sumiiffinni nunap immikkoortuini aalisarnermik misilittagaqarnerat pingaarutilik aallaavigalugu suleqatigalugit sumiiffiit qanoq ilinikkullu angalanissaaq pilersaaruserluakkamik ataqatigiissaarneqarniassammata.”

2) Kommunip talittarfiata eqaata takujuminartuunissaanut, Royal Greenlandip tunuani torersaasoqarnissaannik siunnersuut.

”Royal Greenland-ip tunuani torersaasoqartariaqartariaqarpoq. Umiarsuaq takornariartaat kommunip talittarfianut talittarpoq, takornariallu takusassaat siulliit tassaapput atortut Royal Greenland-ip pigigunagai 'eqqaavissuurtut' isikkoqarlutillusoq Royal Greenland-ip tunuani iliorarneqarsimasut. Naammattoornikuuara qanoq ilillutik takornariat tassani 'uniffigisaanni siullermi' uninnganerminni tukassuaq isiginnaartaraat, soorluluunniit uninngaffimminni 'eqqaavissuarmiilersimallutik'. Talittarfiup eqqaa (umiarsuartigut takornariartaatitigut takornariartitsisarneq eqqarsaatigalugu) takujuminarsarneqarnissaa pisariaqartilluinnarneqarpoq. Siusinnerusukkut Sisimiuni sumiiffik arajutsineqarajuttaraluartoq, maannakkut tikinnermi takusassaq siullinnqornikuuvoq, illoqarfiullu takoqqaarnerani misigisassaaq siulliummat, sumiiffiup allannqortinneqarnissaa/ takujuminarsarneqarnissaa pingaaruteqarpoq.”

### **Innersuussut**

Kommunalbestyrelsimut akuereqqullugu innersuussutigineqassaaq,

”Sanna”-mi inuttat inissitsiterneqarnerat pillugu aaqquissuussinerup allangornissaa pillugu siunnersuutip oqallisigineqareerneratigut Inuussutissarsiutinut Suliffissaqartitsiniarnermullu ataatsimiititaliamut suilassanngorlugu ingerlateqqinneqassasoq.

Royal Greenlandip tunuani torersaasoqarnissaa pillugu siunnersuutip oqallisigineqareerneratigut Teknikkimut Avatangiisinullu ataatsimiititaliamut suliaassanngorlugu ingerlateqqinneqassasoq.

### **Aalajangiineq**

#### **Ilanngussaq**

1. Malene Ingemannip aggustip 6-ani 2013-imi e-mailerutaa (21.8.2013-imi nassiuteqqitaa)

**Imm. 17 Kommunip pilersaarusionerqarneranut tapiliussaq nr. 2 – Sisimiuni illoqarfiup pisoqartaata inaarutaasumik akuersissutigineqarnera pillugu paasissutissiissut**

*Journalnr. 16.03.01*

Tunuliaqutaq

Kissaatit tullinnguuttut piviusunnngortinneqarnissaat pillugu kommunip pilersaarusionerqarneranut tapiliussaq pineqartoq suliarineqarpoq:

- Immikkoortitat soorliit najugaqarfissiatut (A), ataatsimut siunertanut (C), sanaartorfigeqqusaanngitsunullu (D) immikkoortitaanerisa ersarissarneqarnissaat.
- Oqaluffimmi pisoqarneranut atatillugu B-462-ip pisiniarfingortinneqarsinnaanera kiisalu B-463-imi B-18-imilu katersugaasivimmumt atasumik takornariaqarnermut tunngasutigut pisiniarfeqarsinnaanera periarfissiniarlugit immikkoortitanut killiliussat allannngortinneqarnissaat.
- Illoqarfitoqqami qalipaata qaqortoq toqqagassanut ilanngunneqassasoq

Kommunalbestyrelsip 2013-imi februaarip 28-ani aalajangiinera tunuliaqutaralugu kommunip pilersaarusionerqarneranut tapiliussaq 2013-mi maajip pingajuanit, 2013-imi juunip 28-ata tungaanut tamanut tusarniutigineqarpoq. Tamanut tusarniutigineqarnerani, tapiliussamut akerliliissutinik tigusaqartoqanngilaq.

Maleruagassatigut tunngavissat

Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersoq.

Det Gule Bynotat, Aningaasaqarnermut pisortaqarfiup Nuna tamakkerlugu pilersaarusionermit malitassiai

Pissutsit atuuttut

Kommunip pilersaarusionerqarneranut tapiliussatigut illoqarfitoqqap qanoq atornerqarnissaa aalajangersarneqarpoq, tassa immikkoortunut arfinilinnut sukumiinerusumik A60/A60.1, A61/A61.1, C1/C1.1, C25/C25.1, D16/ D16.1 aamma D17/D17.1-itigut pilersaarusiugaalluni. Sumiiffiup kulturikkut, oqaluttuarisaanikkut avatangiisimigullu immikkuullarissutaasa piutiinnarnissaat, kommunip pilersaarusionerqarneranut tapiliussatigut qulakkeerniarneqarpoq.

Pilersaarutikkut killiliussatoqqat allannngortinniarnearput, taamaalilluni B-462-imi oqaluffimmi pisartunut atasutigut pisinniarfeqalersinnaaqqullugu, kiisalu sukumiisumik pilersaarusionerfiusuni C1/C1.1-imi takornariaqarnermut tunngasutigut katersugaasivimmi pisiniarfeqalersinnaaqqullu.

Qalipaata qaqortoq illoqarfitoqqami sukumiisumik pilersaarusionerfinni A60/A60.1 og A61/A61.1 najugaqarfinni (D) ilanngunneqassasoq.

Sukumiisumik pilersaarusionerfimmi C25/C25.1-imi aalajangesagaavoq, sumiiffik sanimut tamakkiisumik sanaartorfioreersoq, taamaattorli qummut quleriit marlungorlugit allileriffiusinnaasoq.

Illoqarfitoqqami biilinu uningaartarfitsigut aqquuserngillu sannaasigut piumasaqaatit kommunimi nalinginnaasumik piumasaqaatinut sanilliullugit oqinnerusunngugaapput, sanaartugassat naammattumik sanaartugaareermata inissaarullunilu. Taamaamat piumasaqaatit ingerlatiinnarnissaat pisariaarunnikuulluni.

Illoqarfiup sinnerani piumasaqaatit nalinginnaasut, atuussinnaassusii aallaavigalugit ilanngunneqarput, soorlu toqqaviit portussusissaannut il.il. tunngasut.

#### Atuilluurtuunissakkut kingunerisinnaasai

Sanaartukkanik pioreersunik atuilluarnissamat, pilersaarutit nalinginnaasumik pitsaasunik atugassaqaartitsipput.

#### Aningaasaqarnikkut allaffissornikkullu kingunerisinnaasai

Kommunip pilersaarusionerqarneranut tapiliussaq imminermini aningaasatigut kinguneqaatissaqanngilaq. Malitsigisaanilli oqaluffimmut atatillugu biilinu inissiivilionnissat sanaartornikkut aningaasartuutaassallutillu, ingerlatsinermi aningaasartuutit qaffassapput.

#### Qullersaqarfiup oqaaseqaatai

Annerusumik oqaaseqaatissaqanngilaq.

#### Allaffeqarfiup naliliinera

Qeqqata Kommuniata anguniagaatut, pilersaarutit pissutsillu imminnut ataqatigiinnissaannik qulakkeerinninniarnertut, kommunip pilersaarusionerqarneranut tapiliussaq isigineqassaaq. Illoqarfimmi immikkoortumut pilersaarut C1 1990-imeersuummat, pilersaarutip nutarterneqarnissaa pissusissamisoortutut isigineqarpoq.

Akerliliissutinik tigusinikuunnginnatta, pilersaarutillu piaartumik inaarutaasumik akuersissutigineqarnissaanik qinnuteqartoq kissateqarmat allaffeqarfiup innersuussutigaa, borgmesterip aalajangiineratigut tapiliussaq inaarutaasumik akuersissutigineqassasoq, kingornalu kommunalbestyrelsi aalajangiinermik ilisimatinneqarluni.

#### Allaffeqarfiup innersuussutaa

Allaffeqarfiup innersuussutigaa, Kommunip pilersaarusionerqarneranut tapiliussaq nr. 2, kommunalbestyrelsi sinnerlugu borgmesterip inaarutaasumik akuersissutigissagaa.

#### Borgmesterip suliamik suliaqarnera

Aningaasaqarnermut ataatsimiititaliaq sinnerlugu juulip 4-ni 2013-imi borgmesteri aalajangiivoq, allaffeqarfiup innersuussutaa akuerineqassasoq.

Kommunalbestyrelsi tullisnaanik ataatsimiinnerani, aalajangiineq pillugu ilisimatinneqassaaq.

#### **Innersuussut**

Suliaq kommunalbestyrelsimut paasissutissatut saqqumiunneqarpoq.

#### **Aalajangiineq**

#### **Ilanngussaq**

1. Kommunip pilersaarusionerqarneranut tapiliussaq nr. 2 – Sisimiuni illoqarfiup pisoqartaa.

**Imm. 18 Aqutsinermi inatsisip allannguuteqarnissaanut tusarniaanermut akissuteqaat pillugu paasissutissiissut**

*Journalnr. 00.00*

Tunuliaqutaq

Aningaasaqarnermut Nunamullu Namminermut Naalakkersuisoqarfik, kommunit aqunneqarnerat pillugu allannguutissatut siunnersuutissatut siunnersuut pillugu tusarniaalluni nassiussinikuuvoq.

Maleruassatigut tunngavissat

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq.

Pissutsit atuuttut

KANUKOKA-p 2013-imi januaarip 9-ani allagaanut Qeqqata Kommuniata innersuussivoq allagarlu kommunip tapersorsorpaa suli atuuttutut isigigamiuk.

**Innersuussut**

Qeqqata Kommuniata tusarniaanermut akissuteqaataa kommunalbestyrelsip paasissutissiissutitut tigussagaa.

**Aalajangiineq**

**Ilanngussat**

1. Aningaasaqarnermut Nunamullu Namminermut Naalakkersuisoqarfik kommunit aqunneqarnerat pillugu allannguutissatut siunnersuutissatut siunnersuut oqaaseqaatertalik pillugu 2013-imi juunip pingajuani e-mailerutaa.
2. KANUKOKA-p tusarniaanermut akissuteqaataa 9. januar 2013-imeersoq.
3. Qeqqata Kommuniata tusarniaanermut akissuteqaataa 2. juli 2013-imeersoq.

**Imm. 19 Ataatsimoorussamik Atammik/Napasok nunaqarfinni aqutsisuniit Tippu-Bolethe Jakobsenip sulinngiffeqarallarnera pillugu paasissutissiissut**

*Journalnr.01.01.03*

Tunuliaqutaq

Qinigaaffimmi nutaami maajip aallaqqaataani 2013-miit april-ip naaneranut 2017-imut ataatsimoorussamik Atammik/Napasok nunaqarfinni aqutsisuni maj-ip 23-iani 2013-mi inissitsiternermi siulittaasunngortoq Tippu-Bolethe Jakobsen, Siumut 2013-imi majip 28-iani allakkatigut qinnuteqarpoq, erninerminut atatillugu ataatsimoorussamik Atammik/Napasok nunaqarfinni aqutsisuniit sulinngiffeqarnissamik. Tippu-Bolethe Jakobsen maajip aallaqqaataani ernisimavoq.

Maleruagassatigut tunngavissat

Kommunit aqunneqarnerat pillugu Inatsisartut inatsisaat nr. 22, 18. november 2010-meersumi

*§ 15. Ilaasortaq kommunalbestyrelsip ataatsimiinnissaani napparsimanini, naartunini, erninini, meeravissartaarnini, inuiaqatigiinni sullissisussaataitaalluni pisussaaffiligaanini, inuutissarsiutini assigisaalluunniit pissutigalugit ataatsimeeqataasinnaajunnaarpat ilaasortap pisinnaanngitsup qinigaqaqatigisimasaasa, aamma kisimiillutik qinigassanngortissimasut, piumasarisinnaavaat sinniisussap ataatsimiigiqquneqarnissaa. Inissitiserfiusumik ataatsimiinnermi, imaluunniit aningaasartuutissanut missingersuutit aappassaaneerpeqarnerannut atatillugu, sinniisussap ataatsimiigiqquneqarnissaa piumasarineqarsinnaavoq allamik peqquteqarluni ilaasortaq ataatsimeeqataasinnaanngippat. Qinigassanngorteqatigiinni ilaasortamik qinikkamik ataatsimiigiqqusinnissamik piumasaqaateqartoqarsinnaanngippat sinniisussap nammineq piumasaqaatigisinnaavaa ataatsimiigiqquneqarnissani.*

*Imm. 2. Ilaasortaq imm. 1-imi taagorneqartuni patsiseqarluni piffissami qaammatinik marlunnik sivilisunerusumik anisariaqaleruni taava borgmesterimut allakkatigut taamatut iliorniarluni nalunaaruteqassaaq. Borgmesterip sinniisussaq kommunalbestyrelsip ataatsimiinnissaanut tulluuttumut siullermut ataatsimiigiqqussavaa.*

*Imm. 3. Kommunalbestyrelsip aalajangissavaa ilaasortap anigallarnissaanut aammalu sinniisussap isernissaanut piumasaqaataasut eqqortinneqarnerusut.*

*Imm. 4. Ilaasortap kommunimi pisussaaffini suliareqqissinnaalerpagit sinniisussaq kommunalbestyrelsimit tunuassaaq.*

*Imm. 5. Borgmesterip imaluunniit borgmesterip tulliatat sinniisussaa imm. 2-mi maleruagassat naapertorlugit isertinneqarpat, pineqartullu pisinnaanngikkallarnera sivilisinnerpaamik qaammatinik sisamanik sivilisussuseqarpat § 6-imi maleruagassat malillugit kommunalbestyrelsip toqqassavaa borgmesterit imaluunniit borgmesterip tulliatat isumagissasanik isumaginnittussaaq.*

Aqutsisuni ilaasortanut inatsit aamma atuuppoq.

Naartunermi, erninermi meeravissartaarnermilu sulinngiffeqartarneq llormusiaqartarnerlu pillugit Inatsisartut inatsisaat nr. 14, 7. december 2009-imeersumi § 7 malillugu:

Sulinngiffeqarnerit assigiinngitsut pigineqarput:

- Anaanaasup erninermut atatillugu sulinngiffeqarnera sapaatit akunnerinik 15-inik sivilisussuseqarpoq, anaanaasup erninerup kingorna atorsinnaasatut pisinnaatitaaffigisaa
- Angajoqqaat erninermut atatillugu sulinngiffeqarnerat sapaatit akunnerinik 17-inik sivilisussuseqarpoq. Taanna anaanaasup sapaatit akunnerini 15-ini sulinngiffeqarneranut sivilisuinertut ingerlanneqartussaavoq. Sulinngiffeqarneq angajoqqaat ataatsikkut ingerlassinnaanngilaat

Pissutsit atuuttut

Tippu-Bolethe Jakobsen maajip aallaqqaataani ernivoq taamaasillunilu inatsit qulaani pineqartoq aallaavigalugu sap.ak. katillugit 32-it erninerminut atatillugu sulinngiffeqarsinnaavoq, sap.ak. kingullit 17-it kisimiilluni atorniarunigit. Taamaasilluni 9. december 2013 aqutsisuni sulileqqissaaq.

Ataatsimoorussamik Atammik/Napasooq nunaqarfanni aqutsisut tallimanik ilaasortaqqarpoq, Atassut aamma Inuit Ataqtigii tamarmik ataatsimik ilaasortaataqqarput Siumullu pingasunik. Sinniisussat allattorsimaffiat naapertorlugu marluk Siumup sinniisussaattut nalunaarsugaapput.

Tippu-Bolethe Jakobsen-ip sulinngiffeqarnerani Siumumi sinniisussaq siulleq Anthon Poulsen ilaasortannussaaq.

Kommunit aqunneqarnerat pillugu Inatsisartut inatsisaanni § 51, mm. 3 malillugu inissitsiternermi siulittaasussamik qinersisoqassaaq. Taamaattumik siulittaasup sulinngiffeqarallarnerani aqutsisut akunnerminni siulittaasussamik qinereqqissapput.

Qullersaqarfiup innersuussutaa

Qullersaqarfiup borgmesterimut innersuussutigissavai akuereqqullugit

- 1) Tippu-Bolethe Jakobsen 2013-i maajip aallaqqaataniit 9. december 2013-ip tungaanut ataatsimoorussamik Atammik/Napasooq nunaqarfanni aqutsisunit sulinngiffeqassasoq
- 2) Anthon Poulsen ataatsimoorussamik Atammik/Napasooq nunaqarfanni juunip aallaqqaataanit decembarip 9-iani 2013 tungaanut ilaasortannussasoq

Borgmesterip suliamik suliaqarnera

Kommunalbestyrelsi sinnerlugu juunip 6-ani 2013-imi borgmesterip innersuussutigineqartut akuerivai.

Kommunalbestyrelsi tullissaanik ataatsimiileruni ilisimatinneqassaaq.

**Innersuussut**

Suliaq kommunalbestyrelsimut paasissutissatut saqqumiunneqarpoq.

**Aalajangiineq**

**Ilanngussat**

1. Tippu-Bolethe Jakobsen -ip 2013-mi majip 28-iani allagaa.
2. Ataatsimoorussamik Atammik/Napasooq nunaqarfanni aqutsisussatut sinniisussat allattorsimaffiat.

**Imm. 20 Kangaamiuni nunaqarfimmi aqutsisuniit Albrichtine Lyngep sulinniggeqarallarnissaa pillugu paasissutissiissut**

*Journalnr.01.01.03*

Tunuliaqutaq

Qinigaaffimmi nutaami maajip aallaqqaataani 2013-imiit apriliip naaneranut 2017-imut Kangaamiuni nunaqarfimmi aqutsisuni ilaasortannortoq Albrichtine Lyngé, Atassut, nunaqarfimmi aqutsisuniit sulinniggeqarnissamik juunip 4-ni 2013-imi allakkatigut qinnuteqarpoq.

Sulinniggeqarnissamut qinnuteqarnermut pequtigineqarpoq aggstip 5-ani 2013-imiit maajip naaneranut 2014-ip tungaanut Ilulissani Socialassistentitut ilinnialernissaaq.

Tassungalu tunngatillugu nunaqarfimmi aqutsisuniit aggstip aallaqqaataani 2013-imiit maajip 31-anut 2014-imi sulinniggeqarnissaaq qinnutigineqarluni.

Maleruagassatigut tunngavissat

Kommunit aquneqarnerat pillugu Inatsisartut inatsisaat nr. 22, 18. november 2010-meersumi

*§ 15. Ilaasorta q kommunalbestyrelsen ataatsimiinnissaani napparsimanini, naartunini, erninini, meeravissartaarnini, inuiaqatigiinni sullissisussaataalluni pisussaaffiligaanini, inuutissarsiutini assigisaalluunniit pissutigalugit ataatsimeeqataasinnaajunnaarpat ilaasortap pisinnaanngitsup qinigaqaqatigisimasaasa, aamma kisimiillutik qinigaanngortissimasut, piumasarisinnaavaat sinniisussap ataatsimiigiaqquneqarnissaa. Inissitserfiusumik ataatsimiinnermi, imaluunniit aningaasartuutissanut missingersuutit aappaasaaneerqarnerannut atatillugu, sinniisussap ataatsimiigiaqquneqarnissaa piumasarineqarsinnaavoq allamik peqquteqarluni ilaasorta q ataatsimeeqataasinnaanngippat. Qinigaanngorteqatigiinni ilaasortamik qinikkamik ataatsimiigiaqqusinnissamik piumasaaqateqartoqarsinnaanngippat sinniisussap nammineq piumasaaqatigisinnaavaa ataatsimiigiaqquneqarnissani.*

*Imm. 2. Ilaasorta q imm. 1-imi taagorneqartuni patsiseqarluni piffissami qaammatinik marlunnik siviuserusumik anisariaqaleruni taava borgmesterimut allakkatigut taamatut iliorniarluni nalunaaruteqassaaq. Borgmesterip sinniisussaa q kommunalbestyrelsen ataatsimiinnissaanut tulluuttumut siullermut ataatsimiigiaqqussavaa.*

*Imm. 3. Kommunalbestyrelsen aalajangissavaa ilaasortap anigallarnissaanut aammalu sinniisussap isernissaanut piumasaaqataasut eqqortinneqarnerisut.*

*Imm. 4. Ilaasortap kommunimi pisussaaffini suliareqqissinnaalerpagit sinniisussaa q kommunalbestyrelsimit tunuassaaq.*

*Imm. 5. Borgmesterip imaluunniit borgmesterip tulliaata sinniisussaa imm. 2-mi maleruagassat naapertorlugit isertinneqarpat, pineqartullu pisinnaanngikkallarnera siviinnerpaamik qaammatinik sisamanik siviussuseqarpat § 6-imi maleruagassat malillugit kommunalbestyrelsen toqqassavaa borgmesteritut imaluunniit borgmesterip tulliatut isumagissassanik isumaginnittussaaq.*

Aqutsisuni ilaasortanut inatsit aamma atuuppoq.

Pissutsit atuuttut

Kangaamiuni nunaqarfinni aqutsisut pingasunik ilaasorta q arpoq, Atassut marlunnik ilaasorta atita q arpoq Siumullu ataatsimik. Sinniisussat allattorsimaffiat naapertorlugi marluk Atassutip sinniisussa atut nalunaarsuga apput.

Albrichtine Lyngé sulinniggeqarnerani Atassummi sinniisussaaq siulleq Arne Martinsen ilaasortannussaaq.

Qullersaqarfiup innersuussutaa

Qullersaqarfiup borgmesterimut innersuussutigissavaa tulliuuttut akuereqqullugit

- 3) Albrichtine Lyngep aggstip aallaqqaataani 2013-imiit maajip naaneranut 2014-ip tungaanut Kangaamiuni nunaqarfimmi aqutsisunit sulinnigiffeqassasoq.
- 4) Albrichtine Lyngep sulinnigiffeqarallarnerani Arne Martinsen Kangaamiuni nunaqarfimmi aqutsisuni ilaasortannussasoq.

Borgmesterip suliamik suliaqarnere

Kommunalbestyrelsi sinnerlugu juunip 26-ani 2013-imi borgmesterip innersuussutigineqartut akuersissutigivai.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq,

**Innersuussut**

Suliaq kommunalbestyrelsimut paasisutissatut saqqumiunneqarpoq.

**Aalajangiineq**

**Ilanngussat**

1. Albrichtine Lyngep juunip 4-ni 2013-imi allagaa.
2. Kangaamiuni nunaqarfinni aqutsisussatut sinnisussat allattorsimaffiat.

**Imm. 21 Ataatsimoorussamik Itilleq/Sarfannguut nunaqarfinni aqutsisuniit Emilie Olsen-ip tunuarniuteqarnera pillugu paasissutissiissut**

*Journalnr.01.01.03*

Tunuliaqutaq

Ataatsimoorussamik Itillimi/Sarfannguanilu nunaqarfinni aqutsisuniit Emilie Olsen juulip naanerani tunuarniarluni allakkatigut qinnuteqarpoq.

Tunuarniarluni qinnuteqarnermut peqqutigineqarpoq Emilie Olsen-ip ilaquttanilu Itilleq qimallugu Sisimiunut nuuttussanngornertik taamaalillunilu qinersivimmi qinigaaffigisani qimattussanngorlugu.

Maleruagassatigut tunngavissat

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 7, 3. december 2012-imeersoq,

*§ 54. Ilaasorta qinigaaffiup iluani kommunalbestyrelsimit tunuarniarluni qinnuteqarpat, kommunalbestyrelsip aalajangissavaa qinnuteqaat taamaattoq akuerineqarsinnaanersoq.*

*Imm. 4. Ilaasorta qinersivimmi najugaqarunnaarallarpat kommunalbestyrelsip aalajangersinnaavaa pineqartup qinigaasinnaanini annaasimanngikkaa, taamaalillunilu kommunalbestyrelsimit ilaasortaajunnaarallaannassalluni qinersivimmi aalajangersimasumik najugaqaqqilernissami tungaanut.*

Aqutsisuni ilaasortanut inatsit aamma atuuppoq.

Pissutsit atuuttut

Ataatsimoorussamik nunaqarfinni aqutsisuniit tunuarniarnera peqquteqarpoq Itilleq qimallugu ilaqutai Sisimiunut nuuttussanngornerat kisimiillunilu Itilleq najorsinnaannginnamiuk imigassamik atornerluineq annertuallaaqimmat.

Sinniisussat allattorsimaffiat malillugu Siumumi sinniisussaq siulleq tassaavoq Peter Karlsen, Itilleq, Emilie Olsen-illu tunuarneratigut Peter Karlsen aggstip aallaqqaataani ataatsimoorussamik Itillimi/Sarfannguanilu nunaqarfinni aqutsisuni ilaasortanngussaaq.

Qullersaqarfiup innersuussutaa

Qullersaqarfiup borgmesterimut innersuussutigissavaa tulliuuttut akuereqqullugit

- 5) Emilie Olsen ataatsimoorussamik Itillimi/Sarfannguanilu nunaqarfinni aqutsisuniit juulip naanerani 2013-imi tunuarniutaa akuerineqassasoq, qinigaaffillu 2013 – 2017 naannginnerani Itillimut uteqqissagaluaruni ilaasortanngooqqinnissani qinnutigisinnaavaa.
- 6) Peter Karlsen ataatsimoorussamik Itillimi/Sarfannguanilu nunaqarfinni aqutsisuni aggstip aallaqqaataani ilaasortanngussasoq.

Borgmesterip suliamik suliaqarnera

Kommunalbestyrelsi sinnerlugu aggustip aallaqqaataani 2013-imi borgmesterip innersuussutigineqartut akuersissutigivai.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq,

**Innersuussut**

Suliaq kommunalbestyrelsimut paasissutissatut saqqumiunneqarpoq.

**Aalajangiineq**

**Ilanngussat**

1. Emilie Olsen-ip 31. juli 2013-imi tunuarniuteqarluni allagaa.
2. Ataatsimoorussamik Itillimi/Sarfanguanilu nunaqarfinni aqutsisuni sinniisussat allattorsimaffiat.

**Imm. 22 Tamalaat**